

周易傳解

C40
4514
(120)



80

90

1

2

3

4

5

6

7

8

9

100

1

2

3

4

5

6

7

8

9

C40-4514

丁巳夏產諸大藏及有
家書置之武州紫雲山
我微笑塔院直府中未
為學者不敢許出院內
當山二世鐵牛機謹誌



B 64853

周易禪解卷第四

北天目道人薄益智旭著

上經之四
震下
離上

噬嗑亨利用獄

約世道則大觀在上萬國朝宗有不順者噬而嗑之舜伐有苗禹戮防風之類是也約佛七光顯之時有犯戒者治之約觀六

其所發湏惱業病魔禪惺見

皆所謂亨而利用獄也

彖曰頤中有物曰噬嗑噬嗑而亨剛柔分動而明雷電合而章柔得中而上行雖不當位利用獄也

王道以正法養天下佛法以正教養僧伽觀心以妙慧養法身皆頤之象也頑民梗化而須治比丘破戒而須治止觀境發而須觀皆有物之象也剛柔分則定慧平等動而明則振作而智照不昏雷電合而章則說默互資雷如說法電如入定放光也二五皆柔故柔得中卽中道妙定也上行者震

有奮發之象離有麗天之象雖不當位者六五以陰居陽如未入菩薩正位之象然觀行中定慧得所故于所發之境善用不思議觀以治之也象曰雷電噬嗑先王以明罰勅法

明罰卽所以勅法如破境卽所以顯德也

初九履校滅趾无咎象曰履校滅趾不行也

夫噬嗑者不論世法佛法自噬嗑他皆須制之于早不可釀至于深又須得剛克柔克之宜不可重輕失準。今初九在卦之下其過未深以陽居陽爻

得其正。故但如履校滅趾。卽懲惡不行而无咎也。滅趾謂校掩其趾。

六二噬膚滅鼻无咎。象曰噬膚滅鼻乘剛也。

陰柔中正其過易改故如噬膚。下乘初九之剛。故如滅鼻。滅鼻謂膚掩其鼻。

六三噬腊肉遇毒小吝无咎。象曰遇毒位不當也。

在下之上過漸深矣。以陰居陽。又有邪慧如毒。吝可知也。然當噬嗑之時。決不至于怙終。故得无咎。

九四噬乾肺得金矢利艱貞吉。象曰利艱貞吉未光。

也。

田獵射獸。矢鋒入骨而未拔出。今噬乾肺時方乃得之。亦可畏矣。此喻積過已久也。然剛而不過必能自克。故利于艱貞則吉。

六五噬乾肉得黃金貞厲无咎。象曰貞厲无咎得當也。無過耳。

柔雖如肉。而過成已久。如肉已乾矣。賴有中德可貴。如得黃金。守此中德之貞。兢兢惕厲。庶可復于无過耳。

上九。阿校威耳。凶。象曰。阿校威耳。聰不明也。

過惡既盈不可復救。如荷厚柳掩滅其耳。蓋由聰聽不明不知悔過。墨善以至此也。

觀心釋者。初九境界一發卽以正慧治之。如滅趾而令其不行。六二境發未深卽以正定治之。所噬雖不堅硬。未免打失巴鼻。六二境發漸甚。定慧又不純正。未免爲境擾亂。但不至于墮落。九四境發夾雜善惡。定慧亦不純正。纔得小小法利。未證深法。六五純發善境。所得法利亦大然。猶未入正位。

仍須貞厲乃得无咎。上九境發極深似有定慧實則不中不正反取邪事而作聖解永墮无聞之禍

也

離下上艮

賁亨。小利

責亨。小利有攸往。罰惡僧之後。增設規約。約觀心。則境發觀成之後。定慧莊嚴。凡此皆亨道也。然世法佛法。當此之時。皆不必大有作爲。但須小加整飾而已。

彖曰。賁亨。柔來而文剛。故亨。分剛上而文柔。故小利有攸往。天文也。文明以止人文也。觀乎天文以察時變。觀乎人文以化成天下。賁，則通也。觀乎天文以察時，則必亨。以其下卦本乾。而六二以柔來文之。則是質有其文。亦是慧有其定。故亨也。上卦本坤。而上九分剛以文之。則是文有其質。亦是定有其慧。故小利有攸往也。文質互資。定慧相濟。性德固然。非屬強設。名爲天文。體其有定之慧寂。而常照爲文明。體其有慧之定照。而常寂爲止。是謂以修合。

性名爲人文。性德則具。造十界。故觀之可察時變。修德則十界全歸一心。故觀之可化成天下。

象曰。山下有火。賁。君子以明庶政。无敢折獄。

責非折獄之時也。庶政苟明。則可以使民无訟矣。佛法釋者。山下有火。外止內明。故于三千性相之庶政。一一明之。了知一切法正。一切法邪。終不妄于其中判斷。是一非而生取捨。情見如无。不敢折獄也。

初九。賁其趾。舍車而徒。象曰。舍車而徒。義弗乘也。一

卦雖以剛柔相文得名爲賁。而實非有事于矯飾也。故六爻皆取本色自責而終極于白。責正猶詩所謂素以爲絢。蓋天下之真色固莫有勝于白者。今初九抱德隱居晚食以當肉。安步以當車。乃以義自責者也。

六二。責其須。象曰。責其須與上興也。

柔順中正虛心以取益乎上下之賢。乃以師友自責者也。

九三。責如濡如。永貞吉。象曰。永貞之吉。終莫之陵也。

剛正而居明體之上。足以潤及于六二六四。而使之同爲聖賢。乃以師道自責者也。

六四。賁如皤如。白馬翰如。匪寇婚媾。象曰。六四。當位疑也。匪寇婚媾。終无尤也。

柔而得正。知白責之可貴。故求賢无厭倦心。近則親乎九三。俯則應乎初九。仰則宗乎上九。无一非我明師良友。卽六二六五亦皆我同德相輔之朋。六見賢思齊。見不賢而自省。安有寇哉。蓋由居上卦之下。則是上而能下。不敢自信自專。乃以虛心自

80

90

100

責者也

六五。賁于丘園。束帛箋箋。吝。終吉。象曰。六五之吉有喜也。

柔中而有陽剛之志能知道德之樂而不以勢位自驕。視天位之尊與丘園等。如大禹之菲飲食惡衣服卑官室爲束帛箋箋吝惜之象。實則吾无間然而終吉。蓋以盛德自責者也。

上九。白賁。无咎。象曰。白賁无咎。上得志也。

以剛居艮止之極。又在卦終。而居陰位。則非過剛。

年彌高德彌邵。純淨無疵。如武公之盛德至善。以自責者也。

佛法釋者。初九以施自責。六二以戒自責。九三以忍自責。六四以進自責。六五以定自責。上九以慧自責。又初九爲理責。不以性德濫修德故。六二爲名字責。從此發心向上故。九三爲觀行責。不可暫忘故。六四爲相似責。不住法愛故。六五爲分證責。于三諦不漏失故。上九爲究竟責。復于本性无纏瑕故。

坤下

坤下

卷四

卷之三

剝不利有攸往。彖曰：剝剝也，柔變剛也。不利有攸往，小人長也。順而止之，觀象也。君子尚消息盈虛，天行也。賁，不言晉，約世道則偃武修文之後，人情侈樂，國家元氣必從此剝。約佛法則規約繁興之後，真修必從此剝。約觀心有二義：一約得邊，則定慧莊嚴之後，皮膚脫盡，真實獨存；名之爲剝。一約失邊，則世間相似定慧能發，世間辯才文彩而于真修之要，反受剝。

矣。約得別是一途。今且約失而論則世出世法皆不利。有攸往。所謂不利有攸往者。非謂坐聽其剝正示挽回之妙用也。往必受剝。不往則順而止之。所以挽回其消息盈虛之數而合于天行也。象曰。山附于地。剝上以厚下安宅。

山附于地所謂得乎丘民而爲天子也百姓足君孰與不足故厚下乃可安宅此救剝之妙策也觀心釋者向上事須從脚跟下會取正是此意六爻約世道則朝野无非陰柔小人惟一君子高

居塵外。約佛化則在家出家皆以名利相縻。惟一聖賢遠在蘭若。約觀心則修善斷盡。惟一性善從來不斷。

初六。剝牀以足。蔑貞凶。象曰。剝牀以足以滅下也。牀者所以棲身。剝牀則身无所棲矣。初在最下。故如剝足。于世法爲惡民。于佛法爲惡伽藍民。于觀心爲剝損戒足也。別約得者是剝去四惡趣因。然設无四惡趣則大悲无所緣境。故誠以蔑貞凶。

六二。剝牀以辨蔑貞凶。象曰。剝牀以辨未有與也。

于世法爲惡臣。于佛法爲惡檀越。于觀心爲剝損禪定。无定則散亂不能辦理。故未有與。別約得者是剝去人天散善。然設无人天散善則无以攝化衆生。故亦誠以蔑貞凶。

六三。剝之无咎。象曰。剝之无咎。失上下也。

于世法爲混迹小人。于君子于佛法爲有正見之外護。于觀心爲剝損智慧。剝慧則不著于慧。故能因敗致功。坐斷兩頭而失上下。又別約得者是剝去色无色界味禪暗定。故得无咎。

六四。剝牀以膚。凶。象曰。剝牀以膚。切近災也。

下卦如牀。上卦如身。今剝及身膚不可救矣。于世法爲惡宰。輔于佛法爲惡比丘。于觀心爲剝。无一切因果別約得者。是剝去二乘入真法門。然設无真諦。則无以出生死而不染世間過患。故誠以切近于災。所謂毫釐有差。天地懸隔也。

六五。貫魚以宮人寵。无不利。象曰。以宮人寵。終无尤也。

于世法爲柔君。以在君位。又居陽而得中。能師事

上九。高賢挽回天下之亂。如文王之師呂尚。于佛法爲福德比丘。作叢林主。率衆僧以師事聖賢。于觀心爲卽修惡以達性惡性惡融通。任運攝得佛地性善功德。故无不利。又別約得者。從空入假。剝二邊以歸中道。故須達中道統一切法。如貫魚以宮人寵。使法法皆成摩訶衍道。則无不利。

上九。碩果不食。君子得輿。小人剝廬。象曰。君子得輿。民所載也。小人剝廬。終不可用也。

于世法爲事外高賢。如呂尚箕子之類。于佛法爲

出世高流人間福田于觀心爲性善終不可剝故如碩果不食君子悟之以成道小人恃之而生濫聖之慢者也別約得者亦指性德從來不變不壞能悟性德則當下滿足一切佛法故君子得與執性廢修則墮落惡趣故小人剝廬

三三震下
坤上

復亨出入无疾明來无咎反復其道七日來復利有攸往

約世道則衰剝之後必有明王中興而爲復約佛

化則淪替之後必有聖賢應現重振作之而爲復約觀心又二義一者承上卦約失言之剝而必復如平旦之氣好惡與人相近又如調達得无根信也二者承上卦約得言之剝是蕩一切情執復是立一切法體也若次第三觀則從假入空名剝從空入假名復若一心二觀則以修胎性名剝稱性垂化名復復則必亨陽剛之德爲主故出入可以无疾以善化惡故朋來可以无咎一復便當使之永復故反復其道至于七日之久則有始有終可

以自利利他而有攸往也

彖曰。復亨。剛反動而以順行。是以出入无疾。朋來无咎。反復其道。七日來復。天行也。利有攸往。剛長也。復其見。天地之心乎。

觀心釋者。佛性名爲天地之心。雖闢提終不能斷。但被惡所覆。而不能自見耳。苦海無邊。回頭是岸。一念菩提心能動。無邊生死大海。復之所以得亨者。以剛德稱性。而發。遂有逆反生死之勢。故也。此菩提心一動。則是順修。依此行去。則出入皆无疾。

朋來皆无咎矣。然必反復其道。七日來復者。體天行之健。而爲自強不息之功。當如是也。充此一念。菩提之心。則便利有攸往。以剛雖至微。而增長之勢。已自不可禦也。故從此可以見吾本具之佛性矣。出謂從空。出假入謂從假入空。既順中道法性。則不住生死。不住涅槃。而能遊戲于生死涅槃。故无疾也。朋謂九界性相。開九界之性相。咸成佛界。性相。故无咎也。

象曰。雷在地中。復先王以至日閉關。商旅不行。后不

省方

楊慈湖曰。舜禹十有一月朔巡狩。但于冬至日則不行耳。觀心釋者。復雖有剛長之勢。而利有攸往。然必靜以養其機。故觀行卽佛之先王。既大悟藏性之至日。必關閉六根。脫粘內伏。暫止六度。萬行商旅之事。但觀現前一念之心。而未可徧歷陰界。入等諸境。以省觀也。

初九。不遠復。无祇悔。元吉。象曰。不遠之復。以修身也。

此如顏子。約佛法者。正慧了了。頓見佛性。頓具諸

行。所以元吉。如圓教初住。又約六度。即是般若正道。

道

六二。休復吉。象曰。休復之吉。以下仁也。

此如曾子。約佛法者。正定得中。鄰真近聖。如圓教十信。又約六度。卽是正定與慧相連。

六三。頻復厲。无咎。象曰。頻復之厲。義无咎也。

此如子路。約佛法者。有定有慧。而不中正。故須先

空次假後。中名爲頻復。勤勞修證。而得无咎。又約

六度。卽是精進勤策相續。

六四中行獨復象曰中行獨復以從道也

此如蘧伯玉約佛法者正定而與初應如通敎利根接入于圓。又約六度即是忍辱。由與初應則生法二忍便成第一義忍。

六五敦復无悔象曰敦復无悔中以自考也

此如周宣漢文宋仁約佛法者定慧調勻亦且得中。但與陽太遠故必斷惑證真之後俟開顯而會入圓位。如藏通二乘又約六度即是持戒雖遠于初。但自考三業无失自然合理而得无悔。

上六迷復凶有災眚用行師終有大敗以其國君凶至于十年不克征象曰迷復之凶反君道也。

此如王安石方孝孺等生今反古名爲迷復非智慧以爲極則因復成迷故不惟凶且有災眚若以此設化教人必大敗法門損如來之正法至于三十年而弗克征以其似佛法而實非佛法反于圓頓大乘之君道如今世高談圓頓向上者是也。又約六度即是布施而遠于智慧著相著果報起慢起

愛亦能起見故雖是善因反招惡果良由不達佛法之君道故耳。今對高士問則向土春風也。約世道則中興之治合于天道而无妄。約佛法則中興之化同于正法而无妄。約觀心則復其本性真窮惑盡而无妄。皆元亨而利于正者也。然世出世法自利利他皆須深自省察不可夾一念之邪。不可有一言一行之眚倘內匪正而外有眚則決

不可行矣。聖人持滿之戒如此。

彖曰。无妄剛自外來而爲主于內動而健剛中而應大亨以正。天之命也。其匪正有眚不利有攸往无妄之往何之矣。天命不祐行矣哉。

震之初爻全攬乾德爲體故曰自外來爲主于內也。性德雖人人本具。然在迷情反爲分外。今從性起修了知性德是我固有故名爲主于內。夫旣稱性起修必須事事隨順法性。倘三業未純。縱有妙悟不可自利利他。旣不合于性德則十方諸佛不

護念之安能有所行哉

象曰天下雷行物與无妄先王以茂對時育萬物
佛法釋者師子奮迅三世益物名茂對時奮奮種
熟脫使三草二木任運增長而歸一實名育萬物
初九无妄往吉象曰无妄之往得志也

象云无妄之往何之矣乃指匪正有眚出于无妄
而往往于妄也此云无妄往吉乃依此真誠无妄而
往應一切事也所以得志而吉六二不耕穫不菑畬則利有攸往象曰不耕穫未富

也

田一歲曰菑三歲曰畬世未有不耕而穫不菑而
畬者夫不耕不菑此絕无望于穫畬者也然能穫
能畬此何以致之乎孔子云隱居以求其志行義
以達其道又云耕也餒在其中矣學也祿在其中
矣六二以陰柔中正上應九五陽剛中正之君惟
以求志達道爲心而毫不以富貴利祿爲念乃利
有攸往而不變其塞耳

六三无妄之災或繫之牛行人之得邑人之災象曰

行人得牛邑人災也

不中不正居震之上此執无妄之理而成災者也夫行人得牛何乃執理而求償于邑人豈非禍及无辜者乎

吳幼清曰无妄之善有三剛也當位也无應也剛者實也當位者正也无應者无私累也諸爻或有其三或有其二或有其一初九三皆全其最善也九五九四有其二九五剛而中正九四剛而无應是其次也六二上九有其一六二中正上九剛實

是又其次也唯六三于三者咸无焉而亦得爲无妄何也下比中正之六二上比剛實无私之九四譬如有人在已雖无一善而上有嚴師下有良友親近切磨夾持薰染亦不至于爲惡此六三之所以亦得爲无妄也

陳曼昭曰世固有忠臣孝子遇不得已之時勢竟冒不忠不孝之名而萬古不能自白者因災而息其欲自陳白之妄心是爲无妄之災如繫牛于邑而行人得之彼行人決不可查考而邑人決无以

80

90

100

90

自白惟有吞聲忍氣陪償其牛而已。忠臣孝子之蒙怨者亦復如是。

九四可貞无咎象曰可貞无咎固有之也

以陽居陰不好剛以自任蓋其德性然也

九五无妄之疾勿藥有喜象曰无妄之藥不可試也。剛健中正此无妄之至者也。夫立身于無過之地者未免責人太過所謂執藥反成病矣故勿藥而有喜蓋以己律人則天下孰能從之

上九无妄行有眚无攸利象曰无妄之行窮之災也

以陽居陰雖非過剛而居无妄之極則是守常而不知變通者也既无善權方便其何以行之哉

大佛釋者六爻皆悟无妄之理而爲修證者也初九正慧直進故現生克果而得志。六二正定治習故須于禪法不取不證則可以借路還家。六三不中不正雖有小小定慧能開示人令其得道得果如行人得牛而自己反成減損久滯凡地如邑人之災。九四慧而有定自利有餘乃是達其性具定慧非是修而後有。九五剛健中正自利已圓爲衆

生故示現病行。豈更須對治之藥。卽初心修觀亦復如是。一切境界無非性德體障。卽德无可對治也。上九不中不正。恃性德而不事修德。躬行多眚。何利之有。蓋由一味高談向土。以至于窮。故成災也。

三三

乾下
艮上

大畜利貞不家食吉。利涉大川。

畜蓄積也。蓄積其无妄之道。以養育天下者也。約世道則中興之主。復于无妄之道。而厚蓄國家元

氣。約佛化則四依大士。復其正法之統。而淡養法門龍象。約觀心則從迷得悟。復于无妄之性。而廣積菩提資糧。皆所謂大畜也。世出世法弘化進修。皆必以正爲利。以物我同養爲公。以歷境練心爲要。故不家食。吉而利涉大川也。

彖曰。大畜剛健篤實輝光。日新其德。剛上而尚賢能止。健大正也不家食。吉養賢也。利涉大川。應乎天也。乾之剛健良之篤實。皆有輝光之義焉。以此日新其德。則蓄積深厚。廣大故名大畜。然所謂利貞不

家食吉利涉大川者非是性外別立修德乃稱性所起之修全修在性者也試觀乾德之剛上行居卦之終而六五能尊尚之且卦體外止內健豈非本性大正之道乎六五以柔中之德上則養賢師以風天下下則養賢士以儲國用豈非不家食吉之正道乎且以柔中之德應九二天德之剛剛柔相濟何遠不通豈非利涉大川之正道乎

象曰天在山中大畜君子以多識前言往行以畜其

德

一山之中具有天之全體一念心中具攝十世古今攬五時八教之前言該六度萬德之往行以成我自心之德以此自畜卽以此畜天下矣

吳幼清曰識謂記之于心德大于前言往行猶天之大于山也以外之所聞所見而涵養其中至大之德猶山在外而藏畜至大之天于中也前言往行象山中寶藏之多德象天之大

初九有厲利已象曰有厲利已不犯災也

六爻皆具剛健篤實輝光之義而自新新民者也

初九陽剛在下。正宜隱居求志。故有惕厲之功。而先利自己。己利既成。任運可以利人。若已躬下事。未辦而先欲度人。則犯災矣。

九二。輿說輶。象曰。輿說輶中无尤也。

剛而得中。專修定慧。似无意于得時行道者。然自利正是利他之本。故中无尤。

九三。良馬逐利。難貞。曰。閑輿衛。利有攸往。象曰。利有攸往。上合志也。

剛而得正。居乾之上。不患不能度生也。患其欲速。

喜進失于防閑耳。故必利于難貞。閑其輿衛。乃利攸往。亦以上有六四之良友。六五之賢君。上九之明師。與之合志。必能互相警勵。故可往也。

六四。童牛之牿。元吉。象曰。六四元吉。有喜也。

柔而得正。下則應初九剛正之良友。親九三剛正之畏友。上則近六五柔中之聖君。過端未形。而潛消默化。如童牛未角。先施以牿。更无抵觸之患。以此自養。以此爲天下式。大善而吉悅。而且樂者矣。六五。豮豕之牙。吉。象曰。六五之吉。有慶也。

80

90

90

卷之三

卷四

三

積。牿也。牿則不暴而牙仍堅利也。柔得中位尊上賢而應下乾。性德既无偏頗。所養又復周足。自利成就可以君臨天下。舉天下之善惡衆庶。无不入吾陶冶。故如積豕之牙。上九。何天之衢。亨。象曰。何天之衢道大行也。以剛柔相濟之德。當聖君師保之任。隱居所求之志。至此大行无壅。蓋不啻行于天衢也。

䷙震下
艮上

頤貞吉。觀頤。自求口實。

約世道則畜德以養天下。約佛化則畜德以利羣生。約觀心則菩提資糧既積而長養聖胎也。自利利他皆正則吉。皆須視從來聖賢之所爲。頤者何如。皆須自視。其所以爲口實者何如。

彖曰。頤貞吉。養正則吉也。觀頤。觀其所養也。自求口實。觀其自養也。天地養萬物。聖人養賢以及萬民。頤之時大矣哉。

養正則吉。明養而非正。正而不養。皆非吉道也。不觀聖賢之所養。則无以取法思齊。不觀自養之口

實則無以匹休媲美。且如天地全體太極之德以自養，卽能普養萬物聖人養賢輔成己德，卽可以及萬民誰謂養正之外別有利人之方故正自養時卽全其位育功能而稱大也。

象曰：山下有雷頤。君子以慎言語節飲食。言語飲食皆動之象也。慎之節之不失其止也。故知養正莫善于知止。

初九：舍爾靈龜觀我朶頤。凶。象曰：觀我朶頤亦不足貴也。

陽剛爲自養養他之具。知止爲自養養他之貞。初九陽剛足以自養。如靈龜服氣可不求食而居動體上應六四。觀彼口實反爲朶頤失其貴而凶矣。此如躁進之君子于佛法中則如乾慧外凡不宜利物。

六二：顛頹拂經于丘頤。征凶。象曰：六二征凶行失類也。

以上養下乃理之常。六二陰柔反藉初九之養拂其經矣。又居動體恐或不肯自安將求頤于六五

之丘五雖與二爲應然亦陰柔不能自養何能養人。征則徒得凶耳。兩陰无相濟之功。故爲失類。此如无用之庸臣。于佛法中則如暗證盲禪進退失措。

六三。拂頤貞凶。十年勿用无攸利。象曰。十年勿用。道大悖也。陰柔不能自養。又不中正以居動極。拂于頤矣。雖有上九正應。何能救之。終于无用而已。此如邪僻之宰官。于佛法中則如六羣亂衆。大失軌範。

六四。顛頽吉。虎視耽耽。其欲逐逐。无咎。象曰。顛頽之吉。上施光也。

陰柔得正而居止體。雖无養具得養之貞者也。下應初九。賴其養以自養養人。此如休休有容之大臣。吉之道也。初方觀我而朶頤。我隨其視之耽耽。欲之逐逐。以禮而優待之。在初則不足貴。在我則養賢以及萬民。可謂上施光矣。于佛法中則如賢良營事善爲外護。

六五。拂經。居貞吉。不可涉大川。象曰。居貞之吉順以

80

90

100

易經

卷四

二十四

從上也

陰柔无養人之具空居君位故名拂經居止之中順從上九此亦養賢以及萬民爲得其正者也但可處常不可處變宜守成不宜創業耳此如虛己之賢君子佛法中則如柔和同行互相勉勵

上九由頤厲吉利涉大川象曰由頤厲吉无有慶也以陽剛居止極卦之所以爲頤者此也此如望隆古之師保可以拯濟天下者矣于佛法中則如證道教授宰任玄綱

三三

巽下

兌上

大過棟撓利有攸往亨

學本而養育宗而教

約世道則賢君以道養天下而治平日久約佛化則四依以道化羣生而佛法大行約觀心則功夫勝進而將破無明也夫治平既久則亂階必萌所宜防微杜漸化道既盛則有漏易生所宜陳規立矩功夫既進則無明將破所宜善巧用心也彖曰大過大者過也棟撓本末弱也剛過而中巽而說行利有攸往乃亨大過之時大矣哉

少單

卷四 上經 大過

二五

大者既過所以必當思患豫防初上皆弱所以剛中不宜恃勢令撓剛雖過而得中又以巽順而悅行之所以猶有挽回匡濟之術乃得亨也永保无虞亦在此時盛極忽衰亦在此時其關係豈不大哉

象曰澤滅木大過君子以獨立不懼遯世无悶澤本養木而反滅木大過之象也惟以獨立不懼遯世无悶之力持之庶學有本而養有素可以砥柱中流耳

初六藉用白茅无咎象曰藉用白茅柔在下也

世法佛法當大過時皆以剛柔相濟爲得過剛過柔爲失今初六以柔居巽體之下而在陽位無功名富貴以累其心唯庸德庸言下學上達以爲其務者也約佛法者定有其慧兼以戒德精嚴故无咎

九二枯楊生稊老夫得其女妻无不利象曰老夫女妻過以相與也

剛而得中又居陰位陽得陰助如枯楊生稊老夫

女妻之象蓋過于下賢者也。約佛法者慧與定俱如先見道後修事禪故無不利。

九三棟撓凶。象曰：棟撓之凶不可以有輔也。過剛不中任其剛復以此自修則德必敗以此治世則亂必生。故棟撓而凶。約佛法者純用邪慧故不可有輔。

九四棟隆吉。有它吝。象曰：棟隆之吉不撓乎下也。剛而不過足以自立立人但居恍體恐其好大喜功而不安守故誠以有它則吝。約佛法者亦是慧

與定俱但恐夾襍名利之心則自利利他未必究竟故誠以有它則吝。

九五枯楊生華。老婦得其士夫。无咎无譽。象曰：枯楊生華何可久也。老婦士夫亦可醜也。

雖云陽剛中正然在大過之時則是恃其聰明才智者也。享成平之樂不知民事艱難且不知下用賢臣惟與上六陰柔無用之老臣相得何能久哉。約佛法者慧力太過无禪定以持之何能發生勝

上六過涉滅頂凶。无咎。象曰。過涉之凶不可咎也。

居過極之地。惟有柔正之德。而無濟難之才。故不免于凶。而實非其咎也。約佛法者。正定無慧終爲

頂墮

䷜ 坎下

䷜ 坎上

習坎。有孚。維心亨。行有尚。

巽上離下

約世道則太平。久而放逸。生放逸。生而患難。淳至約。佛法則從化。多而有漏。起有漏。起而魔事必作。約觀心則慧力勝。而夙習動。夙習動而境發必強。

皆習坎之象也。然世出世法。不患有重杳之險難。但患无出險之良圖。誠能如此卦之中實。有孚。深信一切境界。皆唯心所現。則亨而行有尚矣。又何險之不可濟哉。

彖曰。習坎重險也。水流而不盈。行險而不失其信。維心亨。乃以剛中也。行有尚。往有功也。天險不可升也。地險山川丘陵也。王公設險以守其國。險之時用大矣哉。

善觀心者。每卽塞以成通。夫習坎雖云重險。然流

而不盈。潮不失限。何非吾人修道之要術。所貴深信維心之亨。猶如坎卦之剛中一般。則以此而往必有功矣。且險之名雖似不美。而險之義實未嘗不美。天不可升。夫非險乎。山川丘陵。地不險乎。城池之險以守其國。王公何嘗不用險乎。惟在吾人善用險而不爲險所用。則以此治世。以此出世。以此觀心。无不可矣。

象曰。水洊至。習坎君子。以常德行。習教事。賁其孚惠心勿常德行。卽學而不厭也。習教事。卽誨人不倦也。習

坎之象乃萬古聖賢心法。奚險之可畏哉。此正合

水門

初六。習坎。入于坎窔。凶。象曰。習坎入坎。失道凶也。在險之時。不論自利利他。唯貴有孚而定慧相濟。今初六以陰居下。毫无孚信之德。乃汨沒于惡習。而不能自出者也。

九三。坎有險。求小得。象曰。求小得。未出中也。

剛中有孚。但居下卦。則夙習尚淡。未能頓達聖境。

80

90

100

110

僅可小得而已

六三來之坎坎。險且枕。入于坎窔。勿用。象曰。來之坎坎。終无功也。

不中不正。柔而志剛。自謂出險。不知前險之正來。此如邪見。增上慢人。故終無功。

六四。樽酒。簋貳。用缶納。約自牖。終无咎。象曰。樽酒。簋。承剛柔際也。

柔而得正。與九五之中正剛德相與。所謂因定發慧。正出險之妙道也。正觀如酒。助道如簋。誠朴如

缶。方便道如牖。從此可發真而无咎矣。

九五。坎不盈。祇既平。无咎。象曰。坎不盈。中未大也。

陽剛中正。已得出世真慧。現前如坎之不盈。而風恬浪靜也。但初破无明。餘惑未盡。故中未大。此勉其速趣極聖而已。

上六。繫用徽纆。寘于叢棘。三歲不得。凶。象曰。上六失道。凶。三歲也。

陰居險極。有定无慧。如凡外癡。定極至非。想終不能三界繫縛。而見取既深。猶如寘于叢棘。永不得

80 1 2 3 4 5 6 7 8 9 100 1 2 3 4 5 6 7 8 9 100

免離也

離下

離上

離利貞亨畜牝牛吉

火性无我麗附草木而後可見故名爲離。約世道則重險之時必麗正法以御世。約佛法則魔擾之時必麗正教以除邪。約觀心則境發之時必麗正觀以銷陰。故皆利貞則亨也。牝牛柔順而多力。又能生育犢子。喻正定能生妙慧。彖曰。離麗也。日月麗乎天。百穀草木麗乎土。重明以下卦三爻皆麗乎正。

麗乎正乃化成天下柔麗乎中正故亨是以畜牝牛吉也

如日月必麗天。如百穀草木必麗土。吾人重明智慧亦必麗乎性德之正。則自利既成便可以化天下矣。夫智慧光明必依禪定而發禪定又依理性而成。今六五六二麗乎中正之位。故有亨道。如牝牛能生智慧犢子而吉也。吳幼清曰。上卦爲重明下卦三爻皆麗乎正。

象曰。明兩作離。大人以繼明照于四方。

明而又明。相續不息。自既克明其德。便足以照四方矣。

初九。履錯然敬之无咎。象曰。履錯之敬。以辟咎也。用觀之始雖有正慧。而行履未純。故常若錯然之象。惟兢兢業業。不敢自安。則德日進而習日除。可辟咎矣。豈俟咎之生而後除哉。

六二。黃離元吉。象曰。黃離元吉。得中道也。占中正妙定。稱性所成。以此照一切法。使一切法皆成中道。乃絕待圓融之妙止也。

九三。日昃之離。不鼓缶而歌。則大耋之嗟。凶。象曰。日昃之離。何可久也。

過用其慧。而无定以濟之。有時歡喜太甚。則鼓缶而歌。有時憂慮太切。則大耋之嗟。悲歡亂其衷曲。乾慧不能自持。其退失也必矣。

九四。突如其来如。焚如死如棄如。象曰。突如其来如。无所容也。

雖似有慧有定。而實不中不正。不能調適道品。故時或精進。則失于太速。而突如其来如。時或懈怠。

則置諸罔覺而焚如死如棄如也。夫進銳者退必速其來既突則決无所容矣。又何俟于焚死棄而後知其非善終之道哉。

六五出涕沱若戚嗟若吉象曰六五之吉離王公也。得中之定能發實慧進德固无疑矣。然堯舜其猶病諸。文王望道未見伯玉寡過未能孔子聖仁豈敢從來聖賢之學皆如是也。周易解卷第四上九王用出征有嘉折首獲匪其醜无咎。象曰王用出征以正邦也。周易解卷第四象曰

剛而不過。又居明極。自利已成化他有術。人自歸慕而折首。非有醜惡而須伐也。身正則邦正。邦正則六合歸心。重譯奉命矣。是之謂王用出征。豈以奮武揚威爲出征哉。

周易禪解卷第四

弟子悟偉照本全捐貲刻

易經

卷四

卷之三

周易禪解卷第五

上經始乾坤而終坎離。乃天地日月之象。又寂照定慧之德也。是約性德之始終。下經始咸恒而終既濟未濟。乃感應窮通之象。又機教相扣三世益承物之象也。是約修德之始終。又上經始于乾坤之性德。終于坎離之修德。爲自行因果具足。下經始于咸恒之機教。終于既濟未濟之无窮。爲化他能。

80

90

100

所具足此二篇之大吉也

咸亨利貞取女吉

艮下兌上

艮得乾之上爻而爲少男。如初心有定之慧慧不失定者也。兌得坤之上爻而爲少女。如初心有慧之定定不失慧者也。互爲能所互爲感應故名爲咸。約世道則上下之相交。約佛法則衆生諸佛之相扣。約觀心則境智之相發。夫有感應必有所通。但感之與應皆必以正。如世之取女必以其禮則

正而吉矣

直斷因遇而卦其互又大體觀象曰咸感也柔上而剛下二氣感應以相與止而說男下女是以亨利貞取女吉也。天地感而萬物化生聖人感人心而天下和平。觀其所感而天地萬物之情可見矣。

咸何以爲感哉下卦坤體之柔。上于六而成兌。上卦乾體之剛。下于三而成艮。乃天地之二氣感應以相與也。又艮止而兌說以男而下女此感應之正所以吉也。約佛法者艮爲生兌爲佛衆生感佛

既專則佛說法應之。約觀心者。良爲觀。兌爲境。觀智研境。既專則境諦開發而得恍矣。世出世法皆以感而成事。故可以見天地萬物之情。

象曰。山上有澤咸。君子以虛受人。

慢如高山。法水不停。今山上有澤。豈非以其虛而能受哉。

初六咸其拇。象曰。咸其拇。志在外也。

咸雖感而遂通須不違其寂然不動之體。又須善識時位之宜。倘因感而搖其主宰。則反失能應之

木矣。大槩感應之道。互爲能所。然下三爻既居止體。且在下位。故皆不宜妄應于他。上三爻既居悅體。且在上位。故皆宜善應于物。今初六以陰居下。而爲九四所感。未免脚指先動。夫用行舍藏。原无定局。時止則止。時行則行。行得其當。則吉。不得其當。則凶。故未可判定是非。卽所謂志在外者。亦自不同。若志在天下。不顧身家。則吉。若志在利名。不顧心性。則可羞矣。

六二咸其腓。凶。居吉。象曰。雖凶居吉。順不害也。

陰柔中正而爲九五所感。倘躁妄欲進則凶。惟安居自守。則吉。蓋安居自守。乃順乎柔中之道。而不害也。九三咸其股。執其隨往吝。象曰。咸其股。亦不處也。志在隨人。所執下也。

以剛正居止極。而爲上六所感。未免亟亟以利生爲務。不知欲利他者。先須自利成就。若一被順境所牽。則頓失生平所養。亦可羞也。

九四貞吉悔亡。憧憧往來。朋從爾思。象曰。貞吉悔亡。

未感害也。憧憧往來。未光大也。

剛而不過。定慧齊平。得感應之正道。故吉。而悔亡。見其已心。他心互合互攝。有憧憧往來之象。既以心爲感應之本。則凡有血氣。莫不尊親。有朋從爾。思之象。惟其得感應之正。雖終日感。而不違其寂然不動之體。故未感害也。惟其悟一心之往來。雖知本自何思。何慮。而還須精義入神。以致用。利用安身。以崇德窮神。知化以深造于不可知之域。故未肯遽以現前所證爲光大也。

九五咸其脢。无悔。象曰咸其脢志末也。


陽剛中正而居悅體。如艮其背不獲其身行其庭。不見其人之象。乃允合于寂然不動感而遂通之妙。故得毫无過失可悔而善始善終。證于究竟名爲志末。末猶終也。

上六咸其輔頰舌。象曰咸其輔頰舌。膝口說也。柔而得正爲兌之主。內依止德外宣四辯爲咸其輔頰舌之象。說法無盡誨人不倦故曰膝口說也。然初之咸拇上之咸舌皆不言吉凶者。以初心初

步有邪有正事非一概說法利生亦有邪有正轍

非一途故也觀于彖辭亨及利貞之誠則思過半

矣



巽下

恒亨无咎利貞利有攸往諭天常之風谷除害而

夫感應之機不可一息有差而感應之理則亘古不變者也依常然之理而爲感應故澤山得名爲咸依逗機之妙而論常理故雷風得名爲恒澤山

名咸則常卽无常雷風名恒則无常卽常又咸是

澤山則无常本常恒是雷風則常本无常二鳥雙遊之喻于此亦可悟矣理既有常常則必亨亦必无咎但常非一定死執之常須知有體有用體則非常非无常用則雙照常與无常悟非常非无常之體名爲利貞起能常能无常之用名利有攸往也

彖曰恒久也剛上而柔下雷風相與巽而動剛柔相應恒恒亨无咎利貞久於其道也天地之道恒久而不已也利有攸往終則有始也日月得天而能久照

四時變化而能久成聖人久於其道而天下化成觀其所恒而天地萬物之情可見矣

恒何以名久以其道之可久也震體本坤則剛土而主之巽體本乾則柔下而主之此剛柔相濟之常道也雷以動之風以鼓之此造物生成之常道也巽于其內動于其外此人事物理之常道也剛柔相應此安立對待之常道也久于其道卽名爲貞便可亨而无咎天地之道亦若是而已矣始既必終終亦必始始終相代故非常始終相續故非

斷。非斷非常故常與无常二義俱成。天地則有成
住壞空。日月則有晝夜出沒。四時則有乘除代謝。
聖道則有始終體用。皆常與无常二義雙存。而體
則非常非无常。強名爲恒者也。

象曰。雷風恒。君子以立不易方。

方者至定而至變。至變而至定者也。東看則西南
觀成北。不亦變乎。南決非北。東決非西。不亦定乎。
立不易方。亦立于至變。至定至定至變之道而已。
初六。浚恒貞凶。无攸利。象曰。浚恒之凶。始求深也。

夫居咸者。每患无主靜之操持。而居恒者。每患无
變通之學問。今初六以陰居下。知死守而不知變
通。求之愈深。愈失亨貞攸往之利。故凶。

九二悔亡。象曰。九二悔亡能久中也。
以剛居柔。且在中位。不偏不倚。无適无莫。乃久于
中道。非固執不通之恒。故悔亡也。

九三不恒其德。或承之羞。貞吝。象曰。不恒其德。无所
容也。

過剛不中。以應上六。未免宜久而不肯久。正與初

六相反。然過猶不及。且陽剛而反不恒。无可羞矣。
張慎甫曰。三之不恒。藉口圓融變通而失之者也。
九四。田无禽。象曰。久非其位。安得禽也。
四爲震主。恒于動者也。動非可久之位。安能得禽。
蓋靜方能有獲耳。

六五。恒其德。貞婦人吉。夫子凶。象曰。婦人貞吉。從一
而終也。夫子制義。從婦凶也。
柔中而應九二之賢。似得恒之正者。然大君宰化
導之權。乃絕无變通闡闢之用。不幾爲婦道乎。

上六。振恒。凶。象曰。振恒在上。大无功也。

陰居動極。志大而才小。位尊而德薄。且下應九三。
不恒之友。其何以濟天下哉。王安石方孝孺似之。
䷹ 乾下
遯亨。小利貞。

夫世間之道。久則必變而後通。進則必退而後久。
此卦剛而能止。是不以進爲進而正以退爲進者
也。故亨。然說一退字。便有似于自利之小道矣。若
充此小道。不幾失立人達人之弘規乎。故誠以小

利貞言雖示同小道而終利于大人之貞也。彖曰遯亨。遯而亨也。剛當位而應與時行也。小利貞浸而長也。遯之時義大矣哉。尺蠖尚屈而後伸。龍蛇亦蟄而後震。君子之學欲自利利他者。豈不以遯而得亨哉。且九五剛當其位。以應六二之賢。乃與時偕行之道。所以亨也。所言小利貞者。慮其陰柔自守之志。漸漸浸而長也。夫善遯者。則退正。所以爲進。不善遯者。則退竟終于不進矣。所關顧不大哉。

象曰。天下有山遯。君子以遠小人。不惡而嚴。

外健內止。未嘗有意于遠小人。而小人自不能媚也。以小人爲用。故不惡。小不能擅權。故而嚴。約聖學者。天君爲主。百骸聽命。耳目口腹之欲。不能爲亂也。

初六。遯尾厲。勿用。有攸往。象曰。遯尾之厲。不往何災也。

處遯之時。須隨其德位。以爲進退。方不失亨貞之道。今初六陰柔居下。才位俱卑。惟固守爲宜。不可

妄往以取災也。此如樂正襄仲。執用黃牛。固六二執之用黃牛之革。莫之勝說。象曰。執用黃牛。固志也。

柔順中正。非榮名利祿之所能牽。上應九五剛健中正之君。以行其志。國有道不變塞焉。故象以執用黃牛之革。此如伊尹。

九三。係遯。有疾厲。畜臣妾吉。象曰。係遯之厲。有疾憊也。畜臣妾吉。不可大事也。

剛而得正。可以有爲。而居止極則。未免爲遯之一。

字所係。此絕人忘世之道君子之疾也。然雖不能大有所爲。亦須厲勉其精神。以畜臣妾。則吉。所謂不能治國。亦且齊家。以爲天下風可也。丈人現二子于子路。亦是此意。但无援天下之大手段耳。九四。好遯。君子吉。小人否。象曰。君子好遯。小人否也。以剛居柔。上輔九五。下應初六。承天子之德。撫天下之民。休休有容。君子之吉道。非小人所能學也。此如衛武公。否本音自羅其本聲無之。蓋美貞而九五嘉遯。貞吉。象曰。嘉遯貞吉。以正志也。此如襄仲。固志也。

剛健中正下應六二陰柔中正之賢。當此遯時雖有英明神武作畧不自露其才華。遯之嘉美貞而其德故爲肥遯而無不利。此如太公大壯也。夫退養之功愈密則精神道德益壯。然大者既壯大壯利貞。震上

不患不能致用特患恃才德而妄動耳。利貞之誠深爲持盈處滿者設也。

象曰。大壯大者壯也。剛以動故壯。大壯利貞。大者正也。正大而天地之情可見矣。

夫人一體之中。有大者有小者。從其大體爲大人。從其小體爲小人。今言大壯乃是大者壯也。剛則非情欲所能撓動。則非舊習所能囿。所以壯也。言利貞者。以大者本自正也。不正何以稱大。故正大而天地之情可見矣。約佛法者。天地卽表理智亦

80

90

100

易經

卷五

大壯

十一

表定慧

象曰。雷在天上。大壯。君子以非禮弗履。非禮弗履正佛法中所謂悲體戒雷震也。

初九。壯于趾。征凶有孚。象曰。壯于趾。其孚窮也。雖云大者必正。須知正者乃大。若恃其大以爲正。便成邪。恃其壯以爲太大。必不久。恃其正以爲壯。壯必有衰。洪範所以有高明柔克之訓。正爲此耳。今初九過剛不中。故往則必凶。以其自信自恃。乃必窮之道也。

九二。貞吉。象曰。九二貞吉以中也。小人用壯。不陽居陰位。剛而不過。又得其中。得中卽得正矣。九三。小人用壯。君子用罔。貞厲。羝羊觸藩。羸其角。象曰。小人用壯。君子罔也。

雖本君子。但好剛任壯。未免同于狃。金革蹈白刃。暴虎馮河之小人。適足取困而已。何能決斯世之藩哉。若真是君子。則勢雖壯盛而不自恃。謙然似罔也已。

九四。貞吉悔亡。藩決不羸。壯于大輿之轍。象曰。藩决

80

90

100

不羸尚往也

陽居陰位。以柔濟剛。得大壯之貞者。所以削平禍亂而不損其神。以此運載天下。无往而不得也。六五喪羊于易。无悔。象曰。喪羊于易位。不當也。柔而得中。故絕无剛。壯喜觸之態而无悔也。位不當。猶所謂有天下而不與。

上六。羝羊觸藩。不能退。不能遂。无攸利。艱則吉。象曰。不能退。不能遂。不詳也。艱則吉。咎不長也。小畜。質位俱柔。但有壯名。而无壯義。故无攸利。然善用

柔者。正不必慕大壯之虛名。惟艱守其柔克之道。則柔能勝剛。反得吉矣。此勸其不能遂。則須退也。

三三坤下離上

晉康侯用錫馬蕃庶。晝日三接。

大壯而能貞。則可進于自利利他之城矣。當此平康之世。賢侯得寵于聖君。錫馬蕃庶。錫之厚也。晝日三接。接之勤也。觀心釋者。妙觀察智爲康侯。增長稱性功德爲錫馬蕃庶。證見法身理體爲晝日三接。

東京大学総合図書館所蔵

彖曰晉進也明出地上順而麗乎大明柔進而上行是以康侯用錫馬蕃庶晝日三接也明若未出不名平康之晉時不順不麗不名晉世之賢侯不柔不進不得錫接之蕃數蓋六五之柔卽坤全體坤與合德故進而上行以麗之也觀心釋者根本實智光明破无明住地而出故云明出地上定與慧俱止觀不二故云順而麗乎大明无明實性卽佛性无明轉卽變爲明故柔進而上行是以功德智慧重重增勝也

象曰明出地上晉君子以自昭明德

本覺之性名爲明德始覺之功名之爲昭心外无法名之爲自自昭明德則新民止至善在其中矣初六晉如摧如貞吉罔孚裕无咎象曰晉如摧如獨行正也裕无咎未受命也

晉之六爻皆應自昭明德以新民者也而時位不同所養亦異故吉凶悔吝分焉初六以陰居陽定有其慧且居順體故可進而晉如然在卦下又與龜鼠爲應非我良朋則斷不宜欲速故有柂而摧

如夫晉與摧皆外境耳。何與于我。但當守正則吉。縱令一時不足取信。惟寬裕以待之。終无咎矣。言獨行正者自信。自肯不求人知。之意。言未受命者猶孟子所謂命也。有性焉。君子不謂命也。之意。六二。晉如愁如。貞吉。受茲介福于其王母。象曰。受茲介福以中正也。柔順中正。自昭明德。常切望道。未見之愁。正而且吉者也。上與六五王母合德。錫以本分。應得之福。故名介福。縱令貴極人臣。非分外也。

六三。衆允悔亡。象曰。衆允之。志上行也。以陰居陽。定有其慧。當晉之時。而在順體之上。初六所謂困孚者。裕養至此。衆皆允之。而悔亡矣。隱居以求其志。行義以達其道。故曰志上行也。九四。晉如鼫鼠。貞厲。象曰。鼫鼠貞厲。位不當也。君子之自昭明德也。外宜晦而內宜明。故闇然而自章。以九居四。則外剛而內柔。外明而內晦者也。如鼫鼠能飛不能過屋。能緣不能窮木。能遊不能度谷。能穴不能掩身。能走不能先人。不亦危乎。

80

90

100

蕩益子曰予昔初入閩中見有鬻白兔者人爭以百金買之未幾生育甚多其價漸減至一錢許好事者殺而烹之臭不可食遂无人買博古者云此非白兔乃鼯鼠耳噫本以賤鼠謬膺白兔之名无德居高位者蓋類此矣

六五悔亡失得勿恤往吉无不利象曰失得勿恤往有慶也

以六居五定有其慧又爲離明之主得中道而處天位正所謂自新新民无所不用其極者也雖俯

乘鼯鼠之九四仰承晉角之上九而與坤順合德故往接三陰同成順麗大明之治則吉无不利舉世皆蒙其福慶矣又何失得之可恤哉

上九晉其角維用伐邑厲吉无咎貞吝象曰維用伐邑道未光也

上九亦外剛而內柔外明而內晦者也而居晉極則如獸之角矣以角觸人則凶維用以自治如伐邑然則厲吉而无咎然不能自治于早至此時而方自治雖得其正不亦吝與四十五十而无聞焉

斯亦不足畏也已。故曰道未光也。

三三離下
坤上
䷁ 豐吉而无咎者不謂自當于早至也
明夷利艱貞

知進而不知退則必有傷夷者傷也明入地中其光不耀知艱貞之爲利乃所謂用晦而明合于文王箕子之德矣

彖曰明入地中明夷內文明而外柔順以蒙大難文

工以之利艱貞晦其明也內難而能正其志箕子以

之

文明柔順雖通指一卦之德意在六二內難正志專指六五艱貞晦明則文王箕子所同也觀心釋者煩惱惡業病患魔事上慢邪見无非圓頓止觀所行妙境

象曰明入地中明夷君子以蒞衆用晦而明

甯武子之愚不可及兵法之以逸待勞以靜制動以閭伺明皆明夷之用也聖學則閭然而日章初九明夷于飛垂其翼君子于行三日不食有攸往主人有言象曰君子于行義不食也

此如太公伯夷之避紂也。先垂其翼。則不露其飛之形。及行之速。則三日而不遑食。蓋義當遠遯。不欲主人知之。而有言耳。

六二。明夷于左股。用拯馬壯。吉。象曰。六二之吉。順以則也。

文明中正之德。當此明夷之時。雖左股業已受傷。猶往拯救。唯馬壯故吉耳。羑里旣囚之後。仍率三分天下之二。以服事殷。順而不忤。誠萬古人臣之則也。

九三。明夷于南狩。得其大首。不可疾貞。象曰。南狩之志。乃大得也。

以剛居剛。在離之上。夜盡將旦之時也。正與上六闇主爲應。如武王伐紂。得其大惡之首。然以臣伐君。事不可疾。當持之以貞耳。象云。南狩之志。猶孟子所云。有伊尹之志。則可。无伊尹之志。則篡也。辭義凜然。

六四。入于左腹。獲明夷之心。于出門庭。象曰。入于左腹。獲心意也。

已居坤體入暗地矣。柔而得正稍遠于上。故猶可獲明夷之心而出門庭。如微子抱祭器以行遁。但出門庭遜于荒野。非歸周也。

六五。箕子之明夷利貞。象曰。箕子之貞明不可息也。迫近暗君身已辱矣。外柔內剛居得其中。用晦而明。照萬古洪範九疇之燈。誰能息之。上六。不明晦。初登于天。後入于地。象曰。初登于天。照四國也。後入于地。失則也。

以陰居陰處夷之極。初稱天子。後成獨夫者也。蓋

下五爻皆明而示晦。故能用晦而明。此則不明而晦。故失則而終入地耳。



離下

巽上

家人利女貞

欲救天下之傷。莫若反求于家庭。欲正家庭之化。莫若致嚴于女貞。牝雞之晨。維家之索。不可以不誠也。佛法釋者。觀行被魔事所擾。當念唯心。唯心爲佛法之家。仍須以定資慧以福助智以修顯性。名利女貞。

彖曰。家人。女正位乎內。男正位乎外。男女正天地之大義也。家人有嚴君焉。父母之謂也。父父子子。兄兄弟弟。夫夫婦婦。而家道正。正家而天下定矣。

佛法釋者。禪定持心。則內冥法體智慧了境。則外施化用修德之定慧。平正本乎性德之寂照。不二也在因名男女。在果名父母。既證果德。十界歸仰。故名嚴君。性修不濫。名父父子子。真俗並照。名兄兄弟弟。福慧互資。名夫夫婦婦。一世界清淨。故十方世界皆悉清淨。名正家而天下定也。

彖曰。風自火出。家人君子。以言有物而行有恒。

火因風鼓而今風自火出。猶家以德化而今德從家播也。有物則非無實之言。有恒則非設飾之行。所以能形于寡妻。至于兄弟以御于家邦耳。佛法亦然。律儀清淨。則可以攝善攝生矣。

初九。閑有家。悔亡。象曰。閑有家志未變也。

此以剛正居有家之初。卽言有物行有恒。以閑之則可保其終。不變矣。佛法釋者。卽是增上戒學。六二。无攸遂。在中饋貞吉。象曰。六二之吉。順以與也。

陰柔中正而爲內卦之主故每事不敢自專自遂
唯供其中饋之職而已佛法釋者卽是增上定學
九三家人嗃嗃厲吉婦子嘻嘻終吝象曰家人嗃
嗃未失也婦子嘻嘻失家節也

過剛不中似失于嚴厲者然以治家正道觀之則
未失而仍吉倘畏其悔厲而從事于嘻嘻始似相
安終以失家節而取吝矣佛法釋者卽是增上慧
學

六四富家大吉象曰富家大吉順在位也

陰柔得正爲巽之主所謂生財有大道者也佛法
釋者卽緣因善心發富有萬德名爲解脫

九五王假有家勿恤吉象曰王假有家交相愛也
假大也書云不自滿假詩云假以溢我又曰假哉
皇考皆取大義九五陽剛中正而居天位以六合
爲一家者也大道爲公何憂恤哉樂民之樂者民
亦樂其樂故交相愛佛法釋者正因理心發性修
交徹顯法身德

上九有孚惠心終吉象曰惠心吉反身之謂也

剛而不過居與之上卦之終其德可信故不猛而威如所謂其儀不忒正是四國者也佛法釋者了因慧心發稱理尊重名般若德五福樂五之樂皆是三三兌離上卦此大難公所要則樂五之樂皆是

睽小事吉

取大易正觀中五福樂五之樂皆是

夫善修身以齊家者則六合可爲一家苟齊之不得其道則一家之中睽隔生焉如火與澤同在天地之間而上下情異又如二女同一父母所生而志不同行是豈可以成大事乎姑任其火作火用

澤作澤用中女適張小女適李可耳觀心者亦復如是出世禪定世間禪定一上一下所趣各自不同圓融之解未開僅可取小證也

象曰睽火動而上澤動而下二女同居其志不同行說而麗乎明柔進而上行得中而應乎剛是以小事吉天地睽而其事同也男女睽而其志通也萬物睽而其事類也睽之時用大矣哉

火澤因動則上下勢睽靜則未始上下也二女因行則其志不同居則未始不同也故曰吉凶悔吝

易傳

卷五

三

生乎動雖然世豈能有靜而無動有居而無行哉。今此卦以兌說而附麗乎離明六五又以柔爲離主進而上行且得中位下應九二之剛是以小事可獲吉也此亦文王曲就人情被睽所局而言之耳若充此睽之理性以盡睽之時用則天地睽而其事同男女睽而其志通萬物睽而其事類有何一法不攝于睽有何一法不從睽出哉蓋于同起睽則其吉小于睽得同則其用大也佛法釋者寂照一體名天地睽而其事同止觀雙行名男女睽

而志通萬行不出正助二行二行不離性具如萬物不出陰陽二爻二爻不離太極名萬物睽而事類

象曰上火下澤睽君子以同而異

離得坤之中爻澤得坤之上爻其性同也火則炎上澤則潤下其相異也觀相元妄則相異而性亦似異矣觀性元真則性同而相亦本同矣惟君子知其以同而異故不以異而昧同也知異本同故六而常卽不生退屈知同而異故卽而常六不生

80

90

100

易 神

卷五

三

上慢知異本同故冥契真源。知同而異故雲興萬行。知異本同故上无佛道可成。下无衆生可度。知同而異故恒莊嚴淨土教化諸衆生。知異本同故生死及涅槃一俱不可得。知同而異故或遊戲生死或示現涅槃。

初九悔亡喪馬勿逐自復見惡人无咎。象曰見惡人以辟咎也。

剛正无應居睽之初。信此以往。則无過而悔亡矣。縱令喪馬不必逐之。馬當自復。勸其勿以得失亂

吾神也。縱遇惡人。不妨見之。可以无咎。勸其勿以善惡二吾心也。如孔子見季康子見南子見陽貨等皆所以辟咎耳。豈真有所利之也哉。蓋凡得失之念稍重。善惡之心太明。則同者必異。異者必不可同。惟率其剛正之天德。則得失泯。善惡融。雖居睽世而悔亡矣。

九二遇王于巷无咎。象曰遇王于巷未失道也。

剛而得中。上應六五柔中之主。而當此睽時。近與六三相隣。五必疑其遇三而舍已也。故須委曲明

其心事。如遇主于巷焉。夫君臣相遇萬古常道。豈以于巷而謂之失哉。

六三。見輿曳其牛掣。其人天且劓。无初有終。象曰。見輿曳位不當也。无初有終遇剛也。

本與上九爲應。而當睽之時不中不正。陷于九二。九四兩陽之間。其迹有可疑者。夫二自遇主于巷。四亦自遇元夫。何嘗有意汙我。我无中正之德。而自疑焉。故妄見其輿若曳。其牛若掣。而不敢往從。上九。且自謂我之爲人。必當被上九之天所劓。不

得通其貞潔之情。如此則无初矣。但睽極必合心迹。終必自明。賴遇上九之剛。後說孤以待之。故有終也。

九四。睽孤遇元夫。交孚。厲无咎。象曰。交孚无咎。志行也。

睽必有應。乃可相濟。二與五應。三與上應。四獨無此應者也。故名睽孤。然初九剛正在下。可以濟睽。當此之時。同德相信。互相砥礪。可以行其濟睽之志。而无咎矣。蓋君子深知以同而異。故陰與陽異。而

相應亦可。陽與陽同而相孚亦可耳。

六五悔亡。厥宗噬膚往何咎。象曰。厥宗噬膚往有慶也。

六五乃九二之主也。陰柔不正反疑二之遇于三焉。以其居中則猜忌未深。終與二合故得悔亡。聖人又恐其躊躇未決也。故明目張膽而告之曰。厥宗上九已說弧以待六三。其相合如噬膚矣。爾往從九二于巷有何咎哉。孔子更爲之鼓舞曰。不惟无咎。且君臣相合睽終得濟而有慶也。

上九睽孤見豕負塗載鬼一車。先張之弧後說之弧。匪寇婚媾往遇雨則吉。象曰。遇雨之吉。羣疑亡也。上九與六三相應本非孤也。睽而未合則有似乎孤矣。三本不與二四相染而其迹似汙故見豕負塗也。二四各自有遇本无心于染三。而虛妄生疑故載鬼一車也。先則甚疑故張弧而欲射之。後疑稍緩故說弧而往視之。逮見其果非與寇結爲婚媾于是釋然如雲既雨而吉矣。既不疑三亦不疑二與四故羣疑亡也。

參同契

卷五

三十六

統論六爻惟初九剛正最善濟睽。餘皆不得其正故必相合乃有濟也。佛法釋者惟根本正慧能達以同而異。故卽異而恒同。否則必待定慧相資止觀雙運乃能捨異生性入同生性耳。

蹇利西南不利東北利見大人貞吉

艮下坎上

大凡乖異不合則所行必多阻難。然正當阻難時豈无拯難良策哉。往西南則說也順也明也拯難之要道也。往東北則止也險也益其蹇而已矣。惟

大人能濟蹇。惟正道能出蹇。蹇故可以動心忍性

增益其所不能而吉

彖曰。蹇難也。險在前也。見險而能止知矣哉。蹇利西南往得中也。不利東北其道窮也。利見大人往有功也。當位貞吉以正邦也。蹇之時用大矣哉。

愚者汨于情欲之私。雖有不測之險。臨其前。盲无見也。况能止哉。能止不惟不陷于險。從此必求出險之良策矣。安得非智。本以東北之坎艮。往就西南之離兌與坤。故剛柔相濟而得其中。若守此東

北則終于險。終于止而已矣。惟九五陽剛中正。當大人之位。以拯邦國之蹇。故往見之者必有拯蹇之功。然爻中獨上六。明利見大人。餘不言者。見大人亦待其時。時止則止。時行則行。蹇之時用。卽全體大易之時用也。六十四卦皆爾。每于人所忽者。一提醒之云爾。

象曰。山上有水。蹇。君子以反身修德。

山本毓泉。宜涵而不宜汎。今水流于上。使人不能厝足。此乃山有缺陷。非水之過也。君子知一切險

難。境界唯吾心自造自現。故不敢怨天尤人。但反身以修其德。如治山者培其缺陷。則水歸澗壑而不復橫流矣。

初六。往蹇來譽。象曰。往蹇來譽。宜待也。

蹇以見險。能止爲知。故諸爻皆誠其往而許其來。卽反身修德之謂也。初六見險。卽止知機。而不犯難。其反身修德功夫最早。故可得譽。夫豈逡巡畏縮也哉。理宜修德以待時耳。

六二。王臣蹇蹇。匪躬之故。象曰。王臣蹇蹇。終无尤也。

陰柔中正反躬无怍。而上應九五陽剛中正之君方居陰地。安得不蹇其蹇以相從事。然諸爻皆以能止爲知。而此獨不然者。正所謂事君能致其身公爾忘私。故雖似冒險。終无尤也。易讀曰。匪躬正本反身來。平日能反身以體蹇。纔能臨時匪躬以濟蹇。

九三。往蹇來反。象曰。往蹇來反。內喜之也。

九三爲艮之主。剛而得正。見險能止者也。既知往則必蹇。故來而反身修德。則內二爻无不喜之。

六四。往蹇來連。象曰。往蹇來連。當位實也。

已入坎體。其蹇甚矣。然設能來而反身修德。則猶可連于艮之三爻。而獲止也。陰本不實。故來連于當位而實之九三也。

九五。大蹇朋來。象曰。大蹇朋來。以中節也。

居坎之中。蹇之大者也。剛健中正。六二應之。故得朋來共濟。大蹇然。非朋之能來助我。實由我之中道足爲拯蹇節。則故上下諸爻皆取節。則于我耳。釋迦出五濁世。得无上菩提。爲一切衆生說。難信。

卷五

二九

法。其真能爲甚難希有之事者乎。

上六。往蹇來碩吉。利見大人。象曰。往蹇來碩志在內也。利見大人。以從貴也。

陰柔居險極。豈可更有所往。亦惟來而反身修德。則碩吉耳。碩者實也。大也。吉之所以能實大者。以利見九五大人故也。君子求諸己。故志在內。則吉輔世長民。莫如德。故利見爲從貴。此指天爵爲貴。非徒以人爵也。須跋陀羅最後見佛得度。其碩吉之謂乎。

三三

坎下
震上

解利西南。无所往。其來復吉。有攸往。夙吉。

世間之局。未有久蹇窒而不釋散者。方其欲解。則貴剛柔相濟。故利西南。及其旣解。則大局已定。更何所往。唯來復于常道而已。設有所往。皆當審之于早。不審輒往。凶且隨之。寧得吉乎。此如良將用兵。祇期歸順。良醫用藥。祇期病除。觀心修證。祇期復性。別无一法可取著也。

彖曰。解險以動。動而免乎險。解利西南。往得衆也。

易解

卷五 下經解

二九

其來復吉乃得中也有攸往夙吉往有功也。天地解而雷雨作。雷雨作而百果草木皆甲拆。解之時大矣哉。

險在前則宜止。險在下則可動以免之。此皆時節因緣之道。不可得而強也。西南爲坤。故往則得衆。來復東北不過于柔。故乃得其中。早鑒事機。故往可有功。如天地之雷雨作。亦因夙得其時。故百果草木皆甲拆耳。觀心釋者。兼修禪定。爲利西南。萬行顯發。爲往得衆。不捨正觀。名爲來復。證于法身。

爲乃得中。有攸往而利生。必須夙能鑒機。則吉。設法不虛爲往。有功性修融合。爲天地解。悲體戒雷震澍甘露。法雨則世出。世界三草二木各得以時生長。熟脫非佛菩薩。何能用此解之時哉。象曰雷雨作。解君子以赦過宥罪。

誤犯之過則直赦之。令其自新。輕重諸罪亦寬宥之。令得末減。佛法釋者卽作法取相。无生三種懺法。令人決疑出罪。又觀心釋者。卽是端坐念實相銷滅衆罪也。

初六无咎。象曰。剛柔之際。義无咎也。

解則陰陽和矣。而以六居初上應九四。適當其際。故義无咎。

九二。田獲三狐。得黃矢。貞吉。象曰。九二貞吉。得中道也。

以剛中而上應六五。本自无可狐疑。六三不中不正。意欲乘我。象如三狐。我田獵而獲除之。得與六五柔中相合。此正而吉者也。黃爲中色。矢喻直道。得其中直之道。故除疑而應乎貞矣。

六三。負且乘。致寇至。貞吝。象曰。負且乘。亦可醜也。自我致戎。又誰咎也。

陰柔不中不正。自无應與。上思負四。下欲乘二。不知其非道也。是故二以爲狐而田之。四以爲母而解之。五以爲小人而退之。上以爲隼而射之。不亦至可羞乎。

九四。解而毋朋。至斯孚。象曰。解而毋。未當位也。

三在四下。欲負于四。故四以三爲母。四未當位。不如九二剛中。故二自能田獲三狐。以從五。必待

二之至始信毋之宜解也。二與四皆陽類。故名爲朋。

六五。君子維有解。吉。有孚于小人。象曰。君子有解。小人退也。

六與二爲正應。而三且思乘二。則五不能無疑于二矣。賴九二之君子。剛而得中。決能解去六三。上從于我而吉。但觀六三之退。則信九二之有解矣。上六公用射隼于高墉之上。獲之。无不利。象曰。公用射隼。以解悖也。

隼高飛而善摯。以喻負且乘之六三也。當解之時。人人樂爲君子。獨六三悖理飛摯。二雖田之。四雖解之。以皆各有正應。不同上六之在局外。又陽與陰情必相得。故或以爲狐。或以爲毋。不如上六之絕无情係。直以爲隼。且居卦終。則公侯之位也。柔而得正。則藏器于身。待時而動者也。故獲之而无不利。是其所以爲中庸。正義。大公。公平也。驗賁于觀心。釋六爻者。六三卽所治之惑。餘五爻皆能治之法也。初以有慧之定。上應九四。有定之慧。惑不

能累故无咎。九二以中道慧上應六五中道之定而六三以世間小定小慧乘其未證竊思亂之故必獵退狐疑乃得中直正道。六三依于世禪資于世智起慢起見妄擬佛祖故爲正道之所對治。九四有定之慧固能治惑以被六三見慢所負且未達中道故必待九二中道之慧始能解此體內之惑。六五以中道定下應九二中道之慧慧能斷惑則定乃契理矣。上六以出世正定對治世禪世智邪慢邪見故无不利。

卷之三

卷下

三

有孚惠心勿。元吉无咎可貞利有攸往曷之用一簋可用

難既解矣。相安于无事。必將剝民以奉君。此世道之損也。惑既治矣。從此增道損生。此觀心言損也。且以世道言之。凡爲上者必其勞而不怨欲而不貪。真足以取信于民。則雖損之而元吉无咎。凡爲下者必以可貞之事益上。勿貢諛。勿獻異。勿開勞民傷財種種弊端。則利有攸往。蓋下事上。猶人事

80

1

2

3

4

5

6

7

8

9

天地鬼神祖宗也。享以其誠。不以其物。雖二簋便可用享。豈以多物爲敬哉。觀心者。信佛界。卽九界。故元吉无咎。知九界卽佛界。故不動九界而利往。佛界不壞。二諦而享于中道也。

彖曰。損。損下益上。其道上行。損而有孚。元吉无咎。可貞。利有攸往。曷之用。二簋可用享。二簋應有時。損剛益柔。柔有時。損益盈虛。與時偕行。

下濟爲益。上行爲損。此聖賢觀于天下萬世不易之道。而立此名也。上必有孚。乃可損下而元吉无

咎。下必可貞。乃利有攸往。以益上。雖二簋亦可用享。蓋不過各論其時。但貴與時偕行而已。

象曰。山下有澤。損。君子以懲忿窒欲。

山下有澤。則山必日損。君子以爲吾心之當損者。莫若忿欲。故懲忿則如摧山室。欲則如慎壑。俾復于平地而後已也。

初九。已事遄往。无咎。酌損之。象曰。已事遄往。尚合志。

初與四爲正應。宜損我以益四者也。四方陰柔有

疾故宜已我之事而速往益之則得无咎然以剛

益柔但使斟酌得中可耳勿令過也以剛正而應

柔正故往則合志

九二利貞征凶弗損益之象曰九二利貞中以爲志也

九二剛中而不過剛六五柔中而不過柔各守其貞可矣又何須更往益之以成過猶不及之凶哉弗損而益其益乃大故五有或益以十朋之龜者六三三人行則損一人一人行則得其友象曰一人

行三則疑也

六三與下二爻皆損下以益上者也初二仍陽三獨變而爲陰三人行損一人矣今以一陰上行而益上九在我固爲國爾亡家而上九陽剛反能以弗損之益益我不亦得其友乎所以凡事宜專一也

易經

卷五

三

六五或益之十朋之龜弗克違元吉象曰六五元吉自上祐也

柔中虛已以應九二九二守貞弗以有形之物益之故能使天下歸心罔不來益以重寶也蓋人君能虛心用賢則合于上天而自上祐之矣

上九弗損益之无咎貞吉利有攸往得臣无家象曰弗損益之大得志也

上九受六三之益極矣苟不有以報之三雖无怨人必不服安能无咎安能貞吉安能利有攸往然

欲益三正不必損我也蓋三之爲臣固所謂國爾亡家者但深鑒其一人獨行之誠則大得其志而三以爲得友矣是謂弗損益之

三三震下

巽上

益利有攸往利涉大川

損而有孚則與時偕行可以致益此世間盈虛消息之理也增道損生則日進于自利利他之域此觀心成益也攸往以處常涉川以處變苟得其益之道則无不利矣

彖曰。益損上益下。民說无疆。自上下下。其道大光。利有攸往。中正有慶。利涉大川。木道乃行。益動而巽。日進无疆。天施地生。其益无方。凡益之道。與時偕行。中正指九五六。二言之。震巽皆屬木。故其道可涉大川。天施故坤得其初爻而爲震。地生故乾得其初爻而爲巽。然不止于震巽而已。舉凡坎離艮兌等。无非天施地生之益。故其益无方而與時偕行也。益卽全體。乾坤全體。太極全體。易道其餘。六十三卦。无不皆然。聖人姑舉一隅。令人自得之耳。佛法。

釋者。損佛界之上。以益九界之下。損已利人。故民說无疆。本高迹下。故自上下下。而其道大光。天行聖行。名爲中正。梵行起于嬰病。二行名爲木道。乃行放光現瑞。以動之。四辯說法。以巽之。開圓解。以顯性德。名爲天施。立圓行。以成修德。名爲地生。種而熟。熟而脫。番番四悉名。爲與時偕行。卦掌蓋。象曰。風雷益。君子以見善則遷。有過則改。

庸成曰。風之入也。最微。故片善不遺。纖過必別。雷風以鼓之。遷善之速也。雷以動之。改過之勇也。陸

之發也最迅故遷无留念改无停機
初九利用爲大作元吉无咎象曰元吉无咎下不厚事也

居益之初受上益最厚者也以下位受此厚益可安然无所事乎然剛正而爲震王必能大作以致元吉則无咎矣蘇眉山曰益之初九損之上九皆正受益者也彼自損而專益我將以厚責我也我必有以塞之故損上九利有攸往益初九利用大作然上之有爲也其勢易有功則其利倍有罪則

其責薄下之有爲也其勢難有功則利歸于上有罪則先受其責故元吉而後无咎以所居者非厚事之地也

六一或益之十朋之龟弗克違永貞吉王用享于帝吉象曰或益之自外來也

陰柔中正以受九五陽剛中正之益惠我以心而不惠我以物故能使天下歸心罔不來益我以重寶也爲臣則永貞吉不可因天祐人助而異其心爲王則用享于帝吉自新新民而其命維新象曰

自外來者明其非心所期以本无計功謀利之私故也

六三益之用凶事无咎有孚中行告公用圭象曰益用凶事固有之也不中不正居下之上而受上九之擊其擊我也正所以益我也知凶事之真能益我則无咎矣位雖不中而有孚則爲中行可以告公用圭公指上九圭以通信信通則圭仍還公不取公之物益我但取公之擊以益我耳恒人每以凶事爲非益故聖

人特明凶事之益固有之能信凶之爲益則不凶矣

六四中行告公從利用爲依遷國象曰告公從以益志也

六四與上二爻皆損上以益下者也五上仍陽四獨變而爲陰是直以身殉民豈非遷國之象豈非中行之道乎初爻既受我益剛而得正有大公之心方將利用大作以報我我卽以之爲依可矣由其志在益民故民皆以公心從之

九五有孚惠心勿問元吉。有孚惠我德。象曰。有孚惠心勿問之矣。惠我德大得志也。陽剛中正應于六二。真實以益下爲心者也。惠之以心則惠而不費。天下咸被其澤。其元吉何必問哉。故能感六二永貞之吉。大得其志而還報我以好德也。

上九莫益之或擊之立心勿恒凶。象曰。莫益之偏辭也或擊之自外來也。

上九本宜損已以益六三者也。因六三不中不正。

故不與其益而反擊之。三固得其凶事鉗錘之益。然在上九豈可恒以此立心哉。以此立心則舉凡在下者皆亦莫益于我而或擊于我矣。故誠以立心勿恒。恒則必凶。上九不中不正不仁而在高位。但思益我不料擊我思益而不得益故曰偏辭。不料擊而得擊。故曰自外來也。

周易禪解卷第五

弟子均華募刻

周易禪解卷五

卦舉而精要歸首依來也

卦愚益參不其準卦思益而不晉益若曰諭不
示以卦耳限以凶土爻不中不五不二而卦奇外
卦不象卦表莫益于卦而與準于卦矣若而與
無卦主出且可立以直立少錯以道立小相舉凡
卦不與其益而入學之三國皆其因毒蠍致之

周易禪解卷第六

下經之二

三三

乾下兌上

北天目道人萬益智旭著

夬揚于王庭孚號有厲告自邑不利卽戎利有攸往
約世道則民說无疆坐享豐樂而所行必決約佛
法則損己利他化功歸己決當進斷餘惑證極果
也夫世間豈容有陽而无陰有男而无女有君子
而无小人然陰居陽上女占男先小人據于君子

之上則必將共決去之。必將至王庭以揚之。必將相約相信而聲明其罪以號之。凡此皆有厲之道也。吾謂宜反身修德而告自邑不宜以力爭而卽戎。但使以德往化則无不利矣。佛法釋者體惑法界卽惑成智名告自邑敵對相除名爲卽戎。

彖曰。夬決也。剛決柔也。健而說決而和。揚于王庭柔乘五剛也。孚號有厲其危乃光也。告自邑不利卽戎所尚乃窮也。利有攸往剛長乃終也。

健而說決而和正明應以德化不應以力爭也。知

危則光。尚力則窮。利有攸往則以德化小人。小人皆爲君子而剛長乃終也。象曰。澤上於天夬。君子以施祿及下。居德則忌。祿宜施德宜居祿不施則恩枯德不居則本喪。又以此施祿則及下而可以化人。以此居德則自滿而爲人所忌。

初九。壯于前趾。往不勝爲咎。象曰。不勝而往咎也。重剛不中不宜進而壯于進步徒自折耳。何能勝哉。

易經

卷六

九二。惕號莫夜有戎勿恤。象曰。有戎勿恤得中道也。剛而得中。知懼知警。居德既周。則有戎可无患矣。九三。壯于頄有凶。君子夬夬獨行遇雨若濡。有愠无咎。象曰。君子夬夬終无咎也。

過剛不中。怒且悻悻然現于其面。太剛必折。有凶道也。君子于此何不自夬其夬。舍上下四陽而獨行其與上六應之正理。則以德相化。陰陽相和。庶遇雨而若濡。雖彼羣陽不知我心。不諒我迹。或有愠者。然化小人之道必應如此。終无咎也。言夬夬。

者。羣陽以決去小人爲夬。今吾以決不同。彼羣陽爲夬夬也。

九四。臀无膚其行次且。牽羊悔亡。聞言不信。象曰。其行次且位不當也。聞言不信。聰不明也。

九四以下爻爲臀。下爻純剛无柔。如有骨无膚。臀既无膚。行必次且不前。若讓彼羊在前而隨其後。則羊仍屬我所牽。便可悔亡。但以剛不中正。聞此善言。決不相信也。手指上六爲兌之主。四宜牽此不宜決之。亦不宜與之爭前後也。

易經

卷一

三

九五覓陸夬夬中行无咎。象曰：中行无咎，中未光也。上六柔脆如覓而在五剛之上，如覓在陸。人人得踐踏之，嗟嗟彼獨非坤德乎？彼獨非太極全體所成還具太極全體者乎？是宜夬彼羣陽所夬而護養之，乃爲中行之道，可无咎耳。然在夬時終不免以君子小人二其心，未肯忘于大同。故曰：中未光也。聖人于復則諱諱以保護微陽于夬，則諱諱以保護殘陰，陰陽豈可偏廢哉？

上六无號終有凶。象曰：无號之凶，終不可長也。

下之五爻聖人所以勸誠羣陽者至矣。以六居上，雖得其正，而陰柔才弱，不能惕號以自周備，故終不可長。不若反乎下，以爲姤耳。

䷫ 吳下
乾上 姤 天澤臨水火 大壯 大畜 大壯 大畜 大壯
姤女壯勿用取女 大壯 大畜 大壯 大畜

約世道則決之于意中者必將遇之于意外。約佛法則決斷餘惑而上同諸佛者必巧用性惡而下遇衆生。又約究竟則夬是无間道，姤是解脫道。約初心則夬是乾慧姤是理水也。以无號之二陰忽

80

90

100

110

反于下而得其所安。勢必漸壯。故九二宜包而有之。不宜使賓取之。佛法釋者。在佛爲性惡法門。在衆生不了。則爲修惡。九二行菩薩道。自可示同修。惡不令餘人作惡。又解脫道。一得永得。名女壯。无

越所取著名。勿用取女。理水亦爾。

彖曰。姤遇也。柔遇剛也。勿用取女不可與長也。天地相遇。品物咸章也。剛遇中正。天下大行也。姤之時義大矣哉。其五而皆柔。本應不當。以自周備。姑以

不曰剛遇柔。而曰柔遇剛者。柔爲政也。佛法釋者。

剛是性德。柔是修德。以修顯性名。柔遇剛。剛是妙觀。柔是妙止。從止起觀。名柔遇剛。剛是智慧。柔是禪定。因定發慧。名柔遇剛。修本無加于性。止亦不可偏勝。定亦不可偏多。故曰不可與長也。天地相遇。天得地之初爻。而爲吳。撓萬物者莫疾乎風。齊乎巽。而萬物潔齊。故曰品物咸章也。九二之剛。下遇初六。上遇九五之中。正在世法中。則爲大臣。得君以撫民。在佛法中。則爲智慧稱性。以成福。故曰天下大行也。

易經

卷六

五

象曰。天下有風姤。后以施命誥四方。

剝乎上者反乎下。名之曰復性德也。觀慧也。不可即致用也。故如雷在地中而后不省方。夬乎上者反乎下。名之曰姤。修德也。止定也。即可以取效也。故如天下有風而后施誥命。復以見天地之心。姤以見時義之大復。即乾知大始。姤即坤作成物。復即金聲。姤即玉振。復即智巧。姤即聖力。而腐儒以抑陰戒小人。釋之不亦陋乎。

初六繫于金柅。貞吉。有攸往。見凶。羸豕孚蹢躅。象曰。

繫于金柅。柔道牽也。

无君子莫治野人。无野人莫養君子。此世法之必應。互相繫屬者也。无性不能起修。无修不能顯性。非智不禪。非禪不智。此佛法之必應。互相繫屬者本也。一陰始生于下。得九二金柅以繫之。此貞吉之道也。不繫則有攸往。往則見凶。如羸豕必能蹢躅。由不早爲調御故耳。柔道宜與剛德相牽。則互相與有成矣。

九二。包有魚无咎。不利賓。象曰。包有魚。義不及賓也。

易經

卷六

下經姤

六

修顯性則性有修定發慧則慧有定性修交成定慧平等无咎之道也但可內自證知豈可舉似他人世法亦爾吾民吾子豈可令他人分治哉九三晉无膚其行次且厲无大咎象曰其行次且行未率也二近于初故包有魚三遠于初故晉无膚无膚則行必次且矣然雖厲而无大咎者以與初六同居巽體但行未與柔道相牽合耳九四包无魚起凶象曰无魚之凶遠民也

剛不中正執性而廢修恃慧而棄定猶世宰輔居上而遠民也方其高談理性正逞狂慧不知其爲凶臨命終時地獄相現則悔无所及猶包中无魚起水而後知之九五以包无魚含章有隕自天象曰九五含章中正也有隕自天志不舍命也九五以包无魚含章有隕自天象曰九五含章中正也枸杞枝軟而長以此包瓜則其蔓交繫而不可解此九二與初六相遇之象也九五爲姤之主乃高居于上遠不相及但以剛健中正則性德久薰成

易經

卷六

一

種將欲發燭故名含章。由其志不舍命不肯自棄。故初六雖不相遇必有自天隕墜以遇我者矣。發得本有名爲自天。无心契合名爲有隕。又九二如大臣能有初六之民與民固結。九五如聖君能用九三之賢臣故名含章。既有九二則并九二所遇初六之民而有之矣。民與之卽天與之故云

有隕自天。
上九姤其角。吝无咎。象曰。姤其角。上窮吝也。或其居姤之終。不與柔遇。名姤其角。此如二乘偏真。空有隕自天。

䷫ 兌 上
䷰ 坤 下
萃 亨 王假有廟 利見大人 亨 利貞 用大牲 吉 利有攸往

相遇則相聚。世出世之常也。聚安有不亨者哉。幽明之情萃。故有廟可假。上下之情萃。故大人可見。用大牲以假有廟。利攸往以見大人。皆順乎時義之所當然。所謂貞也。
彖曰。萃聚也。順以說剛中而應。故聚也。王假有廟致

易傳

卷六

孝享也。利見大人亨。聚以正也。用大牲吉利。有攸往順天命也。觀其所聚而天地萬物之情可見矣。

同一致孝享耳。有時云二簋可用。有時云樽酒簋貳。今則云用大牲吉。同一見大人耳。有時云不利涉川。有時云往蹇來碩。今則云利有攸往。夫豈有私意于其間哉。宜儉則儉。宜豐則豐。可往則往。可來則來。皆所以順天命而觀物情耳。

象曰。澤土于地。萃。君子以除戎器戒不虞。

楊慈湖曰。澤所以能瀦水而高止于地者。以有坊

也。民所以得安居而聚者。不可无武備也。除治戎器戒備不虞。皆大易之道也。満益子曰。約佛法則毘尼內禁。約觀心則密。呪治習止乎。卦出而無初六。有孚不終。乃亂乃萃。若號一握爲笑。勿恤往无咎。象曰。乃亂乃萃。其志亂也。

當萃之時。未有不志于萃者也。一陽爲受萃之主。而四陰萃之。初與四爲正應。本可信也。不中不正。故不能終其信。而乃亂乃萃焉。乃亂故若號乃萃。故一握爲笑。言其號笑夾襍而爲一握也。然既是

易經

卷六

正應何所疑恤不若往從爲无咎耳志亂故號笑
夾襍明相應之理未嘗亂也

六二引吉无咎孚乃利用禴象曰引吉无咎中未變
也

柔順中正上應九五陽剛中正之君本无可疑者
也。乃初六與六三皆往萃于九四我居二者之間
設不自引而出何以取信于九五乎苟引出而得
其信則不必用大牲而用禴亦利矣舍二陰而獨
從所應故如用禴其物甚薄但由二有中德故不

變所守以隨兩陰耳

曰禴者誠敬未幾上進

六三萃如嗟如无攸利往无咎小吝象曰往无咎上

巽也

益木貞弗如巽六四潤急吉亞二初尚一卦吉

上无應與志欲萃而无從故嗟如而无所利然當
萃之時往從九四亦可无咎但非正應故得小吝

而九四則巽以受之矣

象曰大吉无咎位不當也

九四大吉无咎象曰大吉无咎位不當也

當萃之時初六應之六三歸之不幾以臣擬君乎
故必大吉乃得无咎如伊尹周公之終盡臣道可

80

90

1

2

3

4

5

6

7

8

9

100

1

2

3

也

九五。萃有位。无咎。匪孚元永貞悔亡。象曰。萃有位志未光也。

陽剛中正以天位而受萃者也。然惟二實應之上實附之而初與三已萃于九四矣。僅可无咎。若能忘吾位以任九四。聽彼二陰之匪孚我而元萃于巽四者永貞弗改。則九四既爲吾臣。二陰何一非吾大民也。故得悔亡。設但恃其位以爲萃。則志未光矣。上六。齎咨涕洟。无咎。象曰。齎咨涕洟未安上也。

以陰居陰而在上位。心不自安。故齎咨涕洟以附悅于九五。得无咎也。



巽下
坤上

升。元亨。用見大人勿恤。南征吉。

氣聚而上升。如木之升于地。元亨可知也。巽順非果于有爲者。故勸以用見大人勿恤。萬物齊乎巽而相見乎離。故南征則吉。欲其嚮明以行志也。彖曰。柔以時升。巽而順。剛中而應。是以大亨。用見大人勿恤。有慶也。南征吉。志行也。

與木本柔故必以時而升。木之升固必藉土。土亦以生木爲功。今九二剛中而應六五。蓋不惟木之志亦是土之志也。

象曰。地中生木。升。君子以順德積小以高大。道體本无大小。而君子之積德也順而致之。必由小以高大。譬如合抱之木。始于微芒。但不可戕伐。亦不可助長耳。

初六允升大吉。象曰。允升大吉。上合志也。

爲與之主。上與二陽合志。故信能升而大吉也。

九二孚乃利用禴。无咎。象曰。九二之孚。有喜也。王肅
升九二之求孚于六五。以各不得其正。非如萃六二之孚于九五也。但萃之六二。以兩鄰同質而不同志。故中雖未變而須引吉。今升之九二。以兩鄰異質而志相合。故不惟无咎。而且有喜。王肅
九三升虚邑。象曰。升虛邑。无所疑也。王肅
以堅剛之木。上升于柔順之土。何疑阻哉。王肅
六四王用亨于岐山。吉。无咎。象曰。王用亨于岐山。順事也。王肅

巽之升也爲木。坤之升也爲山。而人之升也爲亭于天地山川鬼神。其事不同。其所以爲順一也。方木之升于地。入但以爲木赴土耳。不知木升即是地升。以離地四微。別无木四微故。如太王之去幽而邑于岐。人但以爲王棄幽耳。不知邑岐即是邑幽。以非捨幽人而別撫岐人故。

六五貞吉升階象曰。貞吉升階大得志也。朝有君子。則聖王之志得。猶地有喬木。則成園苑。故地未有不以升木爲志者也。九二剛中而五應

之。此明與以可升之道。猶聖王之設階以升君子。但恐其以陰居陽。不能鑒九二之孚。故特以貞誠之欲其貞于九二也。九二。冥升。利于不息之貞。象曰。冥升在上。消不富也。士六。冥升。利于不息之貞。象曰。冥升在上。消不富也。升至于寔。可以息矣。而有不息之貞。則宜冥而益升。此所謂天爵也。修其天爵。則匹夫不爲貧賤。而不富可消矣。天根。言實。靜而卧。言空。消不富也。困亨。貞。大人吉。无咎。有言不信。當也。因山。濟。貞吉。先。上。坎下。亨。然。不。與。五。蠱。卦。之。未。以。大。人。數。之。前。通。

升而不已必困。此盈虛消息之常也。困心衡慮實所以致亨。然不以正道持之。不以大人處之。何能吉无咎哉。設无躬行實德而但有空言。決不足以取信矣。天晉其天晉則大不無其事

彖曰。困剛揜也。險以說困而不失其所享。其惟君子乎。貞大人吉。以剛中也。有言不信尚口乃窮也。

坎剛在下而爲兌柔所揜。剛旣被揜水漏澤枯。困之象也。處險而說。素患難行乎患難。逃世无悶。不改其樂。非君子其孰能之。九二九五皆以剛而得

中。此大人之貞吉之道也。苟不守此貞而徒尚口。適足以取窮而已矣。未濟卦亦卦外同微觀

象曰。澤无水。困。君子以致命遂志。困于貽喪正謂國水在澤下。澤中无水。枯槁窮困。此已定之命也。君子致之而已。豈容作意而不順受。剛中故處險能說。此在我之志也。君子則必遂之。豈因顛沛而或稍違。而後知其命也。入于幽谷。二爻不淪昧。初六。晉困于株木。入于幽谷。三歲不覲。象曰。入于幽谷。幽不明也。困卦外卦中大卦對不夬其反。卦外

六爻皆處困者也。惟剛中大人能不失其所亨。初六居下腫之象也。上應九四之株木。正當困時。不能相庇而陰居險初。則如入于幽谷。三歲不能相見矣。

九二。困于酒食。朱紱方來。利用亨祀。征凶无咎。象曰。困于酒食中有慶也。

當困之時能以剛中自養。故名困于酒食。九五陽剛中正之君。必將以朱紱錫我。使我同濟時困。我但當默然以誠應之。如享祀然。若遽往則必有凶。

而志在救時。仍无咎也。中有慶。即是貞大人吉。此

如伊尹就湯紱蔽膝也。九三。困于石。據于蒺藜。入于其宮。不見其妻。凶。象曰。據于蒺藜。乘剛也。入于其宮。不見其妻。不祥也。

陰柔不中。不正居于二陽之間。四如石。二如蒺藜。上六不與相應。故入其宮而不見其妻。由无禎祥之德。所以自取其凶。

九四。來徐徐。困于金車。吝有終。象曰。來徐徐。志在下也。雖不當位。有與也。

卷之二

卷之二

十一

夫處困而亨。非剛中者不能也。九四正在困時。猶不能忘情于初六而來徐徐。既志在初六。豈惟不與九二合德。反困于九二之金車而吝矣。然九二剛中。必能與我同濟時困。不因我不當位而遂棄我。故可有終。

九五。劓刖。困于赤紱。乃徐有說。利用祭祀。象曰。劓刖。志未得也。乃徐有說。以中直也。利用祭祀。受福也。

九五陽剛中正居于尊位。視天下如一身者也。上六困于葛藟。如劓我之鼻。初六困于株木。如刖我。

之足。我方賴九二同行濟困。猶如赤紱。而彼方困于酒食。則是我困于赤紱也。然九二中直必徐。應我而有悅。我當竭誠以感之。如祭祀然。庶可以受福矣。

上六。困于葛藟于臲臅。曰。動悔有悔。征吉。象曰。困于葛藟。未當也。動悔有悔。吉行也。處困之極。可以動而行矣。陰柔才弱。疑慮未當。猶牽纏而不自安。懼其動而有悔。而每自退悔也。故聖人直以征吉決之。

80

90

100

110

易經

卷六

三三巽下坎上

井改邑不改井。无喪无得。往來井井。汔至亦未繙井。
羸其瓶凶。

夫井者居其所而遷者也。知井之居所而遷則知困之窮而通矣。故次困而明井。邑可改井不可改。可改則有喪有得。既不可改。何喪何得。食水者往未食者來。人有往來井何往來下瓶將及于水。日汔至得水收繩未盡日未繙井。繙井則有功。未繙羸其瓶則凶。此皆人之得喪非井之得喪也。知井

无得喪則知性德六而常卽。知人有得喪則知修德卽而常六。故曰井德之地也。又曰井以辨義。彖曰。巽乎水而上水井。井養而不窮也。改邑不改井乃以剛中也。汔至亦未繙井。未有功也。羸其瓶是以凶也。

水輪舍地故鑿地者无不得水。喻如來藏性具一切陰界入等。故觀陰界入者无不得悟藏性。但貴以妙止觀力深入而顯發之。藏性一顯自養養他更無窮盡也。困之貞大人吉。曰以剛中今改邑不

易經

卷六

改井亦曰乃以剛中。困似專指修德其實發明全修在性。今似專指性德其實要人全性起修。故隨明未有功而羸瓶則凶。其重修德甚矣。象曰木上有水。井君子以勞民勸相。夫擔水惠人則所及者寡。鑿井任汲則所潤者多。擔水者有作善。鑿井者无作善也。君子之慰勞于民也。則勸其交相爲養焉。故養而不窮矣。初六井泥不食。舊井无禽。象曰井泥不食下也。舊井无禽時舍也。

井之六爻。三陰爲井。三陽爲泉。初居最下。故象如泥。不惟人不食之。禽亦不顧之矣。理卽佛也。九二井谷射鲋。甕敝漏。象曰井谷射鲋无與也。在下之中。故爲井谷。有泉可以射鲋。而上无應。與如甕既敝漏。不能相汲也。魚之至小者。名鲋。蓋指初六。此是名字卽佛。薄有聞熏未成法器。

九三井渫不食爲我心惻。可用汲。王明並受其福。象曰井渫不食行惻也。求王明受福也。以陽居陽。其泉潔矣。猶居下卦。不爲人食。是可惻。

80

90

100

110

易經

卷六

十一

也。上六應之故可用汲。蓋王旣明而用賢則賢者之福非止獨受而已。此是觀行卽佛。圓伏五住故井渫未證理水故不食。宜求諸佛加被則可自利利他也。

六四井甃无咎。象曰：井甃无咎修井也。甃者以磚石包砌其傍。所以禦汙而潔泉者也。故曰修井。此是相似卽佛。從思慧入修慧。禦二邊之汙而潔中道之泉。

九五井冽寒泉食。象曰：寒泉之食中正也。

陽剛中正。泉之至潔而冷然者也。功及于物故得食之。此是分證卽佛。中道理水自利利他。上六井收勿幕。有孚元吉。象曰：元吉在上。大成也。以陰居上如井之收。收卽井欄常露之而勿幕。衆皆汲之而所養無窮矣。此是究竟卽佛。功德滿足盡未來際恒潤衆生。

三三
兌下離上

革己日乃孚。元亨利貞悔亡。夫邑改而井不改者。言其處也。井舊則无禽而泥

可弗革乎。學者以變化氣質爲先。猶火之煅金也。方其煅也。金必苦之。既煅成器。而後信火之功也。此革之道。卽乾坤之道。大亨以正者也。未信故有悔。已孚則悔亡矣。

彖曰。革。水火相息。二女同居。其志不相得。曰革。已日乃孚。革而信之。文明以說。大亨以正。革而當其悔乃亡。天地革而四時成。湯武革命。順乎天而應乎人。革之時大矣哉。

革而信之。明未革則人不信也。革而當乃使人信

其悔乃亡。明不當則悔不亡也。須如天地之革。時湯武之革命。方可取信于人耳。革何容易。

象曰。澤中有火。革。君子以治曆明時。

時無實法。依于色心分位假立。心无形像。依色表見。色有共相及不共相。共相之在上者爲日月星宿。因日月星宿周行于天。據其所歷之度。以明春夏秋冬之時。春則萬物皆春。乃至冬則萬物皆冬。故知時惟心現。无在而无所不在。猶如火性无我。亦无在而无所不在。雖澤中亦自有之。彼大海中。

火光常起。卽其驗也。

卷之三

卷六

二十一

初九。鞶用黃牛之革。象曰。革用黃牛不可以有爲也。
離爲能。革兌爲所革。而初九居下上无應與。此不可以有爲者也。但用黃牛之革以自鞶固可耳。

六二。巳日乃革之。征吉无咎。象曰。巳日革之。行有嘉也。

陰柔中正爲離之主。得革物之全能者也。革必已日乃孚。而上應九五是其嘉配。故征吉而无咎。

九三 征凶貞厲。革言三就有孚。象曰。革言三就。又何

之矣

過剛不中而應上六上六陰柔得正乃君子而如文豹者也何容更以剛燥華之征則必凶雖得其貞亦仍危厲但可自革以相順從其言至于三就庶亦可以取信也

九四悔亡。有孚改命吉。象曰：改命之吉，信志也。

兌金之質本待假以成器而九四无應于下則无
肯成我者悔可知也但剛而不過又附近于離體
之上其志可信故悔亡而有孚可以改其所秉之

80

90

100

定命而日進于自利利他之域矣

九五。大人虎變未占有孚。象曰。大人虎變其文炳也。以陽剛中正之大人。又得六二陰柔中正之應。以輔助之。故如虎之神變炳乎有文。不待占而足以取信于天下也。

上六。君子豹變。小人革面。征凶。居貞吉。象曰。君子豹變其文蔚也。小人革面順以從君也。

豹亦生而有文者也。但待時而變現耳。九三剛燥小人。既見其變亦革言三就以相順從然僅革面

未始革心。君子正不必深求也。若欲令心革而往
往征之。未免得凶。惟居貞以默化之。則吉。

三三離上

巽下

鼎元吉亨。革物者莫若鼎。此陶鑄鑄聖烹佛煉祖之器也。安

得不元吉而亨哉

彖曰。鼎象也。以木巽火亨飮也。聖人亨以享上帝而大亨以養聖賢。巽而耳目聰明。柔進而上行。得中而應乎剛。是以元亨。

易經

卷六

三

初陰爲足。二三四陽爲腹。五陰爲耳。上陽爲鉉。非鼎象乎。以木巽火而亨。飮非鼎用乎。勿謂鼎之道小。聖人亨以享。上帝亦此鼎耳。卽大亨以養天下。聖賢亦此鼎耳。何必離事別求理哉。且以卦德言之。內則巽順。外則離而耳目聰明。六五以柔爲離之主。進而上行。得中位而應九二之剛。此豈非聖賢佛祖自陶自鑄。自烹自煉之道。其元亨也宜矣。象曰。木上有火。鼎君子以正位凝命。

鼎吉

則命可凝。德不稱位。則命去而鼎隨去矣。約象明鼎之德如木。命如火。有木則有火。木盡則火亡。有德以正其位。則命凝。德亡則命亡。故曰。惟命不于常也。

初六。鼎颠趾。利出否。得妾以其子。无咎。象曰。鼎颠趾。未悖也。利出否。以從貴也。

初六。鼎颠趾。應四。故颠然及其未烹物而颠之。舊積土否惡。從此可出矣。颠趾如得妾。出否如得子。母以子貴。因其子而知得妾之未悖。因出否而知颠趾。

之有功也

卷之三

先人

九二。鼎有实。我仇有疾。不我能即。吉。象曰。鼎有实。慎所之也。我仇有疾。终无尤也。其未熟也而鼎之者。其
二當鼎腹之下。分陽剛。故爲有實。上應黃耳金鉉。之六五能護守之。初雖顛趾而有疾。終不害及我。也。然在二則宜慎所之矣。

九三鼎耳革。共行塞雉膏不食。方雨虧悔終吉。象曰。鼎耳革。失其義也。

應與如鼎方革耳而不可行者焉。賴六五柔中之黃耳。貫上九剛而不過之玉鉉。方將舉二以及三。如陰陽之和而得兩則可以虧悔而終吉矣。懷道而不思致用故失其義。猶所云不仕无義。激之使及時行道也。

九四鼎折足覆公餗其形渥凶象曰覆公餗信如何也

四當鼎腹之上分其實旣滿而下應初六則不勝其重足云折矣形貌能无赧汗乎始也不自知其

德薄知小力小。妄據尊位而謀大任重。今一旦不勝其任。此其所自信者爲如何也。

六五。鼎黃耳金鉉。利貞。象曰。鼎黃耳中以爲實也。五爲鼎耳。而有中德故其色黃。以虛受實。故爲金鉉。鉉卽指上九也。以鉉貫耳。以耳舉鼎。盡天下聖賢而養之。豈非聖人大亨之正道乎。然六五自本無實。特下應九二之剛中。以之爲實。卽以此而養天下。所謂爲天下得人者耳。

上九。鼎玉鉉。大吉。无不利。象曰。玉鉉在上。剛柔接也。

上爲鼎鉉。自六五觀之。則如金之剛。自其剛而不過之德言之。則如玉之潤矣。金遇猛火。則鎔玉。非火所能壞。以此舉鼎。故大吉。无不利也。

三三

震下

震亨。震來虩虩。笑言啞啞。震驚百里。不喪七鬯。

主重器者莫若長子。長子未有不奮動以出者也。故震則必亨。然其亨也。必有道以致之。方其初動而來虩虩乎。如蠅虎之周環顧慮。仍不失其和而笑言啞啞。夫惟存于己者既嚴且和。以此守重器。

而爲祭主。縱遇震驚百里之大變，能不喪其七鬯矣。佛法釋者，一念初動，即以四性四運而推簡之。名爲號號，知其無性，无生。名爲笑言，啞啞，煩惱業境，種種魔事橫發。名爲震驚百里，不失定慧方便。名爲不喪七鬯也。

彖曰：震亨。震來虩虩，恐致福也。笑言啞啞，後有則也。震驚百里，驚遠而懼遯也。出可以守宗廟社稷，以爲祭主也。

恐懼乃能致福，不可以倖邀。所謂生于憂患也。

啞啞亦非放逸，仍不失其法則也。惟其養之有素，如此。故雖當驚遠，懼遯之變，人皆退避，而偏能出此凝定之神，以當之。可以守宗廟社稷，而爲祭主也。爲祭主，即是不喪七鬯。註脚王氏易傳莫著是注象曰：洊雷震，君子以恐懼修省。王氏易傳莫著是注

君子不憂不懼，豈俟雷洊震而後恐懼修省哉？恐懼修省，正指平日不睹不聞，慎獨功夫。平日功夫，能使善長惡消，猶如洊雷能使陽舒陰散也。惟其恐懼修省，慣于平日。故雖遇洊雷，亦復不憂不懼。

易經

卷六

矣。問曰：孔子迅雷風烈必變，復云何通？答曰：此是

與天地合德，變則同變，亦非憂懼。

初九。震來虩虩，後笑言啞啞。吉。象曰：震來虩虩，恐致

福也。笑言啞啞，後有則也。

六爻皆明，恐懼修省之道，而德有優劣，位有當否，故吉凶分焉。初九剛正爲震之主，王器莫若長子。

吉可知矣。

六二。震來厲，億喪貝。躋于九陵，勿逐七日得。象曰：震來厲，乘剛也。

六二。乘初九之剛，蓋嚴憚切磋之畏友也。藉此渙自惕厲以振刷我陰柔懦弱之習。舉吾平日所謂中正純善多種寶貝，盡喪不顧，直躋于乾健高明之九陵。勿更畱意求逐，然至于七日，復其故位，則具中正純善之德，仍在矣。

六三。震蘇蘇，震行无眚。象曰：震蘇蘇，位不當也。

三遠于初，初之所以警發我者，蘇蘇而不切矣。三當自以震行，勿因遠于畏友而緩其恐懼修省之功，則无眚也。

九四震遂泥。象曰。震遂泥。未光也。

九四亦震主也。以陽居陰復陷四陰之間。雖似淳至。遂失其威而入泥。豈能如號號啞啞之有光哉。六五震往來。厲。億无喪有事。象曰。震往來。厲。危行也。其事在中。大无喪也。

震六二者。惟初九故。但云來厲。震六五者。則初九與九四也。初震既往。四震復來。五得藉此以自惕厲。令所行日進于高明。故曰危行。猶所云邦有道。危言危行也。以六居五。不過于柔。又得中道。故其

德甚多而毫无所喪。但有恐懼修省之事耳。是體
上六震索索。視矍矍。征凶。震不于其躬。于其鄰。无咎。婚媾有言。象曰。震索索。中未得也。雖凶无咎。畏鄰戒也。實卦爻象。最上二爻去也。不啻日也。不比日也。

初九之剛。固不足以及我。九四震亦遂泥。聲已索索。無餘威矣。而陰柔弱極。方且視矍矍而惶惑无措。以此征往。則中心无主。神已先亂。凶可知也。然震既不及其身。止及其鄰。卽因震鄰而恐懼修省。亦可无咎。但禍未至而先防。乃明哲保身之道。倘

與婚媾商之必反以爲迂而有言矣。君子可弗自勉乎。

䷗ 恒

艮上巽下

艮其背不獲其身。行其庭不見其人。无咎。無攸利。

夫動與止雖是相對待法。亦是相連屬法。又是無實性法。究竟是无二體法也。不動曰止。不止曰動。此約相對待言也。因動有止。因止有動。此約相連屬言也。止其動則爲靜。止其靜則爲動。動其止則爲動。動其動則爲止。此約无實性言也。止即是動。

故卽寂恒感動。即是止。故卽感恒寂。此約无二體言也。知動止无二體者。始可與言止矣。夫人之一身。五官備于面。而五臟司之。五臟居于腹。而一背繫之。然玄黃朱紫陳于前。則紛然情起。若陳于背。則渾然罔知。故世人皆以背爲止也。然背之止也。縱令五官競驚于情欲。而仍自寂然。達情之動也。縱復一背原无所分別。而畢竟隨往。故以面從背。則背止而面亦隨止。以背從面。則面行而背亦隨行。究竟面之與背。元非二體。不可兩判。今此卦上

下皆艮止。而又止是艮其背者也。艮背何以能无咎哉。是必不獲其身行其庭。不見其人。斯无咎耳。身本非實。特以情欲錮之。妄見有身。今向靜時觀察。其中堅者屬地。潤者屬水。暖者屬火。動者屬風。眼耳鼻舌異其用。四支頭足異其名。三百六十骨節。八萬四千毫髮。畢竟以何爲身。身旣了不可得。即使歷涉萬變。又豈有人相可得哉。故行其庭。而亦不見其人。此則止不礙行。卽行恒止。故无咎也。彖曰。艮止也。時止則止。時行則行動。靜不失其時。其

道光明。艮其止。止其所也。上下敵應。不相與也。是以不獲其身。行其庭。不見其人。无咎也。

止其行。而爲靜止。其止。而爲動。動靜以時。无非妙止。故其道光明也。止非面牆之止。所非處所之所特以法。法本不相知。法法本不相到。猶此卦之下敵應而不相與。是以覓身了不可得。雖行其庭。而亦了无人相可見。合于光明之道。而无過也。其象曰。兼山艮。君子以思不出其位。或問。或出。兩山並峙。各安其位者也。是故草木生之禽獸居

之寶藏興焉。位位无非法界故也。君子于此非不思也。知離此現前之位別无一法可得。故思不出其位。不出位而恒思則非枯槁寂滅。思而不出其位。則非馳逐紛紜。恒思則能盡其位之用。故一切旋乾轉坤事業无不從此法界流不出。則能稱其位之量。故一切位天育物功能无不還歸此法界。初六。艮其趾。无咎。利永貞。象曰。艮其趾。未失正也。居艮之下。其位爲趾。止之于初。不令汨于所欲往。斯固未失正而无咎矣。然必利于永貞。時止則止。

時行則行。乃獲敦艮之吉耳。

六二。艮其腓。不拯其隨。其心不快。象曰。不拯其隨。退聽也。

趾也。腓也。股也。皆隨心而爲行止者也。然趾无力。不能自專。又正行時。趾元自止。今六二其位爲腓。而以陰居陰。當艮之時。力能專止而不隨心動。故曰不拯其隨。此非動靜不失其時之道。蓋由未肯謙退而聽命于天君。故令其心不快。九三。艮其限。列其夤。厲薰心。象曰。艮其限。危薰心也。

三位在限而以剛居剛爲艮之主。則腰臍硬直不可屈申者也。夫上下本自相聯猶如賓然。今分列而不相繫屬其危厲不亦薰心矣乎。

六四艮其身无咎象曰艮其身止諸躬也。

四位在于胸腹彖云艮其背而此直云艮其身。身止則背不待言矣。夫千愆萬繆皆由身起。今陰柔得正能止諸躬何咎之有楊龜山曰爻言身象言躬者伸爲身屈爲躬屈伸在我不在物兼爻與象是屈伸兼用矣。

六五艮其輔言有序悔亡象曰艮其輔以中正也。五位在心心之聲由輔以宣而以陰居陽又復得中能于言未出口前豫定其衡故言无妄發發必有序而口過終可免矣。上九敦艮吉象曰敦艮之吉以厚終也。爲艮之主居卦之終可謂止于至善无所不用其極者矣。性德本厚而修德能稱性復之故曰以厚終也。震爲長男故舉乾之全體大用而號于其初艮爲少男故舉乾之全體大用而敦于其上。一始

一終知及仁守之功備非動非靜之體復矣。

三三

艮下巽上

漸女歸吉利貞

本專而卦數進卦象之始曰以貞

夫敦艮既非面牆則止而不失其行之時矣。行之以巽故名曰漸君子將致身以有爲必如女之歸夫始終以禮而非苟合乃得吉耳。苟不利貞則躁進固足取辱雖漸進亦豈能正人哉。佛法釋者理則頓悟乘悟併銷如震號而艮敦事非頓除因次第盡如女歸而漸進又次第禪門名之爲女卽事

禪而達實相名之爲歸以圓解徧修事禪名之爲

貞

艮山曰漸以舉也。漸未恭。艮則正。象曰。漸之進也。女歸吉也。進得位。往有功也。進以正可以正邦也。其位剛得中也。止而巽。動不窮也。進有頓漸。今明以漸而進故如女歸則吉也。得位則往有功。倘進不得位則不可往。明矣。以正則可正邦。倘進不以正則不能正邦。明矣。然此卦何以爲進得位。則由九五剛得中耳。何以爲往有功。則由止而巽故動不窮耳。止者動之源。設无止體則

一動卽窮。如溝澗因雨暫盈。可立待其涸也。

象曰。山上有木。漸。君子以居賢德。善俗。

木在山上。以漸而長。觀者不覺。君子居德亦復如是。山有喬木。則山益高。俗有居賢德之君子。則俗

益善。

初六。鴻漸于干。小子厲。有言。无咎。象曰。小子之厲義无咎也。

洪覺山曰。漸何以象鴻也。鴻水鳥。木落南翔。水泮北徂。出則有序。蘇眉山曰。鴻陽鳥而水

居。在水則以得陸爲安。在陸則以得水爲樂者也。初六陰爻。如鴻在水上。無應與。故爲漸于水涯。干人則爲小子。正宜乾乾惕厲。且宜有言以求人之切磋琢磨。如鴻在干而哀鳴覓伴。乃无咎也。无應本宜有咎。以當漸初而能自厲。則其義可无咎矣。六二。鴻漸于磐。飲食衎衎。吉。象曰。飲食衎衎。不素飽也。二亦在水。而應九五。則如漸于磐石。飲啄皆和樂矣。養道以待時。豈无事而食哉。

九三。鴻漸于陸。夫征不復。婦孕不育。凶。利禦寇。象曰。夫征不復離羣醜也。婦孕不育失其道也。利用禦寇順相保也。

九三陽爻。如鴻在陸。上无應與則无水矣。鴻不亂配而六四亦无應與與三相鄰。設三征而從四。則爲離鴻羣而可醜。設四俯而就三。則爲失其道。而雖孕亦不敢育。凶可知已。夫非配而私相爲配。以理言之則寇也。三若守正而禦之。則在我既无離羣之醜。在四亦无失道之凶。乃可順相保耳。

六四。鴻漸于木。或得其桷。无咎。象曰。或得其桷。順以巽也。

四亦在木。而乘九三之剛。不足安身。如漸于木。非鴻之所能棲。以鴻之趾連不能握木故也。或得其橫。而且大有如桷者。庶幾可以无咎。意指上附九五言之。蓋以陰居陰。則順爲巽之主。則巽。故可冀其无咎耳。

九五。鴻漸于陵。婦三歲不孕。終莫之勝。吉。象曰。終莫之勝。吉。得所願也。

五本在陸而居尊位。則如高陵矣。下應六二之婦。方飲食衎衎以自養。非九三之所能汙。故三歲不孕。終莫之勝而吉也。聖王得明世之臣。滿其夢卜。求賢本願。不亦快乎。上九鴻漸于陸。其羽可用爲儀吉。象曰。其羽可用爲儀吉。不可亂也。

上亦在陸者也。但九三爲木落南翔之陸。入于人中。故凶。上九爲水泮北歸之陸。超于天外。故吉。所謂鴻飛冥冥。弋者何慕。但可遠望其羽。用爲高人。

達士之儀則耳。又凡鴻飛之時。成配者以次在後。孤而无侶者獨在于前。今上九超然物外。下无應與。如世間義夫志。不可亂。故吉也。以羽爲儀。則其爲用也大矣。故曰聖人百世之師。

三三
震上
兌下

歸妹。征凶。无攸利。

夫漸而進者。未有不歸其所者也。以少女而歸長男。過以相與。亦既得其所歸。然一歸則當終身守之。若更他往。則凶。又設以少女用事。擅權。則无所

利。佛法釋者修次第禪蓋攝世間事定而歸佛法正慧者也。倘直用此事定而設化儀則必墮于愛見之網而凶若耽著此定則紓偏權曲徑而无所利也。

彖曰歸妹天地之大義也。天地不交而萬物不興。歸妹人之終始也。說以動。所歸妹也。征凶位不當也。无攸利柔乘剛也。如人有正配而不育則必取少女以育子。此亦天地之大義以例國君用名世爲宰輔。不妨用小才

小德爲百官觀心用妙定合妙慧不妨用次第諸禪助神通設使天地不交則萬物不興故歸妹者乃人道之以終而成始者也夫如是則歸妹何過獨恨其以說而動則名爲繼嗣實在情欲如國君名爲羣寮實在便嬖觀心名爲助道實在味禪故所歸者名爲妹也女捨夫而他適臣捨君而他往當故女恃愛而司晨臣恃寵而竊柄定久習而耽著則无攸利以卦中六三之柔乘九二初九之剛

六五上六之柔乘九四之剛故

象曰澤上有雷歸妹君子以永終知敝

方雷之動必感于澤而雷則易息澤恒如故此豈可爲夫婦恒久之道亦豈君臣相遇之道亦豈定慧均平之道乎君子之于事也未暇問其所始先慮永其所終苟以永終爲慮則知歸妹之敝矣昔有賢達年高无子誓不取妾其妻以爲防已之妬也宛轉勸曰君勿忌我以致无後賢達曰吾豈不知卿有賢德哉吾年老矣設取幼妾未必得子吾

沒之後彼當如何是以誓弗爲耳其妻猶未深信乃密訪一少艾厚價買之置酒于房誘其夫與之同飲抽身出房反鎖其門賢達毅然從愈越出喻其妻曰吾豈以衰頹之身汗彼童女令彼後半世進退失措也幸速還彼父母勿追其價于是妻及親友无不歎服未幾妻忽受胎連育三子後皆顯達噫此所謂永終知敝以德動天者乎聖人于彖傳中隨順恒情則以天地大義許之于大象中勸修陰德則以永終知敝醒之知此義者亦可治國

易傳

亦可觀心矣

初九歸妹以娣。跛能履。征吉。象曰。歸妹以娣。以恒也。跛能履。吉相承也。

此卦以下兌爲妹。以震爲所歸者也。兌三爻中。六三爲妹。而初九九二從嫁者爲婢。震三爻中。九四爲所歸主。而六五如帝乙之主。婚上六如宗廟之受祭。今初九以剛正之德。上從六三之妹。歸于九四。而爲其娣。六三如眇待。初能履。故得征吉。娣之爲德。貴在能恒。相承于三。則三吉。而初亦吉矣。

九二眇能視。利幽人之貞。象曰。利幽人之貞。未變常也。

吉以剛中之德。亦從六三而爲娣。六三如眇待。二能視。夫不自有其明。而使人獲其視。非幽人之貞。其孰能之。然亦止是娣德之常耳。

六三歸妹以須。反歸以娣。象曰。歸妹以須。未當也。爲兌之主。恐其說之易動也。故諒之曰。須待六五。之命。勿令人輕我。而反重我之娣以歸也。由位未當。故諒之。

九四歸妹愆期遲歸有時。象曰：愆期之志有待而行也。

三既須五命而後歸我。則我之歸妹不愆期乎。然雖遲歸會須有時。如大舜不得父命。則待帝堯之命而行也。

六五。帝乙歸妹。其君之袂不如其娣之袂良。月幾望。吉。象曰：帝乙歸妹。不如其娣之袂良也。其位在中。以貴行也。

五爲帝乙。六三爲妹。亦稱女君。初九九二爲娣。以

袂而論。則三不如初之與二。以女而論。則如月幾望而圓滿矣。夫以帝女之貴。而能行嫁于下。不驕不亢。豈非吉之道乎。

上六。女承筐无實。士刲羊无血。无攸利。象曰：上六无實。承虛筐也。

震爲兌所承之筐。兌爲震所刲之羊。三承于六。筐則无實。六剗于三。羊則无血。故无攸利。蓋生不積德。死後无靈。不能使子孫繁衍。至于不獲已而歸妹。此非女士之過。皆上六无實之過也。君子永終。

80

1

2

3

4

5

6

7

8

9

100

1

2

3

4

5

6

7

8

9

10

11

12

13

14

15

知敝早見及于此矣

周易禪解卷第六

弟子道合摹刻於震澤惟之年三月



上六大庚遇天寔士匪羊天血天外師革丁

大豈非吉之孚乎

皇而聞歎矣夫以帝丈之貴而誦升菴于不穀
外而歸限三不取焉之莫一以丈而歸四取乎

五十五

東京大学総合図書館所蔵